

兩浙輶軒續錄

兩浙輶軒續錄卷十三目

關槐 蔣師爚 張駿 王宗炎 趙驥

徐志晉 張漣 何琪 丁晉 應澧

郭鳳鳴 王相 潘鎔 吳晉 范鵬

來懋德 彭如蘭 余鴻文 孫樹新 徐培

朱上林 陸新 湯燾 沈颺 嚴公溥

董雲標 唐以坊 李承道 陳元棫 洪枰

王環 魏彝憲 黃仙根 王洽 黃易

汪鳴達 汪淇 陸謙 浦鏗 王炯

倪嘉平 楊育俊 鄒家修 王朝梧 祝莖

俞廷掄 馮集梧 嚴謙 李珪 曹之升

翁元圻 戚學標 陸夢熊 蘇瑋 崔應榴

丁·嶰 陳維竣 陸大潮 吳昇 周南

許乃來 許澄之 查潞 金汝潮 陳石麟

周文楷 吳啟叫 范崇楷 孫嘉樹 朱輪

林汝霖 商大華 俞元之 張濬

兩浙輶軒續錄卷十三

督學使者潘衍桐訂

關

槐

字柱生號雲巖一號晉軒晚號青城山人涵子仁

杭郡詩三輯晉軒九歲隸書觀海二大字于發光嘗得
趙氏小山堂天文遺書籌算筆算奇門遁甲凡三百餘
種因留心句股之學鄉選後赴津門應

召試

賜內閣中書入直樞垣以善畫為

純廟垂賞供奉

內廷旋入詞林直

南書房歷充

四庫館

寵英殿提調屢蒙異數

特懋視學廣東時奏童子能全讀五經者優予入學並

覆試加經文一篇通飭定為例著有直廬奏議士林彝

訓粵東使

輶紀聞

鐵券歌恭和

御製原韻

誰歟之績築此江海塘胥濤清晏兮蛟龍遁藏策勳帶礪臣

河折漚汗賣綠

卷十三

關槐 蔣師煊

正字通耳系金 卷一三
一
八〇
鏐乾甯賜金書鐵版行殿來迎將曰歲丁巳日丁未中朝正
朔猶遵唐鎮東鎮海領節鉞忠衛社稷驅猖狂焦楚鏗奉使
命至錦袍玉帶初還杭兩府賓佐各稱賀祝詞應並河山長
有宋受命竟納土留茲遺愛疇能忘迄今事閱八百載珍重
還與共球方靈芝寺側訪祠宇開門節度懷眞王從來效順
終獲福天以富貴酬忠良珥筆賡歌識懿蹟摩挲著手凝芳
薌臣一心

主萬歲文孫拜獻褒美荷

睿藻千禩奕奕永迪前人光

蔣師燭

字慕文又字慕劉號東橋仁和人乾隆庚子聯捷官兵部主事祀鄉賢著敦良堂詩集

高學沅曰先生通籍後所著尚有漢書疏證六經精義通志略刊誤

王竹林出嗣于叔孝其嗣父母請

旌賦詩

爲人後者爲之子指後其爵云然爾或者有爵或無爵孝何
區于大夫士伏叔齊後叔父黯以任爲郎仕之始皇甫士安
崇元守進所後母維其旨表表愈偉王竹林漢晉而還繼先
軌成童出後叔父母洎壯猶作孺子喜祭葬致禮哀以誠旣
開兆域居乃里其他義舉閭而章奏牘上聞彰厥美
恩旌綽楔高插雲枌榆祠享千春祀

張

駿字荔園號信裳海南人乾隆庚子

處州府志乾隆丙午駿任教授性謹嚴不苟言笑博覽
羣言無不通曉與士子講解曲盡其妙庠序至今欽之
海昌備志駿自幼承庭訓以謹厚稱選處州教授任二
十七年以母老屢乞養上官堅留之及母喪歸遂不出
教士先植行遠縣來學者月必令一歸省有示諸生詩
讀者感動及歸士思其德年九十當事訪古養老之禮
設席安瀾書

院爲之壽

呂榮跋畧信裳先生年八十有五其詩
精神團結神采飛騫無江淹才盡之歎

康武山

康武山高翠作堆據鞍覽勝氣雄哉西盤嵩嶽千峯出東走
洪河九折來逐鹿中原餘廢壘畫烏古障賸荒臺崇祠忠烈
香煙冷忠烈紀公廟在城西南長見神鴉接翅回

示肄業諸生

講堂坐諸生力強年亦富吟誦不絕聲終歲寒窗守我聞古
學者文藝每置後流無源不長華無實不茂諸生各有親孝
思所宜究雜黍幸逮存養比椎牛厚我雖號人師風木良多
疚且勿廢蓼莪藉以糾我繆從今定課規一月一歸候無使
倚門望致親容顏瘦大節果不虧功名甯不售感慨作此詩
尙其銘座右

書楊忠愍公宜人張乞代夫死疏後

忠愍肝膽堅於鐵鍊以洪鑪不能折明知蒿燄百倍驚誓報
主恩一腔血十罪五姦夜草疏神瞰空中背已裂果然一奏
犯天威狐假其威示顯罰可憐日日受籠籠臀肉剜空但見
骨宜人聞信腸寸斷戴盆安能望日月殲我良人贖以身願
效緹縈叩北闕哀哀作疏手親寫一字一淚一嗚咽誰知虎
豹守天門主聽雖聰奈隔絕風吹柳鎖香滿城一霎忠魂竟
永決公之浩氣塞天地日星河嶽相融結巍然錫廟題旌忠
搖翟母儀配象笏嗤彼稟莖道旁者銅臭那能比玉潔我今
讀史賞奇文擊碎珊瑚當音節光芒化作雲錦裳照耀丹心
永不滅

題西興股堰王夫人廟

并序

蕭山西堰水怪所窟里正楊伯遠屢築屢圮被責瀕

危王夫人割臂投潭隨以身殉堰遂告成里人爲之立廟嘉慶元年吉中丞奏聞

賜額曰精誠屹衛朱太傅文正公作碑記其事

楓林環社鎖江霧接翅神雅喚朝暮明璫翠羽貌如生颯颯
靈風鎮古渡伊昔蕭然互西堰怪物憑依最險處攻岸健似
猪婆龍廢盡金錢築不固可憐破產楊亭長對泣牛衣奈箠
楚夫人拜禱割其肱擲向重淵供饜飫宛如干將仗莫耶翦
髮投鑪神鼓鑄此時風雲亦變色驅逐妖魔六丁護從此川
后願效靈虹堤堅臥西陵路

九重褒詔鳳銜來額賜精誠表墟墓側聞惡谿變好谿善政
感召段柯古豈知巾幗一丈夫天心頓改艱難步我向鼉江
屢問津碑記鞏傳朱太傅擬歌楚些弔貞魂愧乏錦囊嘔心

句

王宗炎字庚子以除號穀隆晚號晚聞居士蕭山人乾隆

湯金釗序畧金釗年十五從先生學舉業繼以詩古文

辭又繼而問政事積四十年之久指引不倦先生文精

於義理達於事情根極經訓博綜載籍而能言所欲言

有補於世嘗言文以有濟實用為貴作是文必有所以

作之故其持論皆有關於世道人心

心生平闇然自修不欲以著述名也

王引之序畧先生祖述三代兩漢之書而發為文故其

辭質其義醇其出之也而有章其言之也而有物昔人所謂

文章余正訓

辭深厚者

王紹蘭跋畧兄幼以敬敏聞言壇而行表經明而史通

其號晚聞蓋取莊子漁父篇晚聞大道欲繼於聖人貴

真不拘於俗以自傲也嘗告紹蘭曰欲為文又言曰修

辭立其誠論語曰誠與達而已矣欲為詩詩大敘曰吟咏

性情亦不其外乎誠與達無它巧也

兄言如此其深於文若詩者哉

陸定圃曰穀隆大令學問淹博性尤淡退家有中人產

僅足溫飽既通籍遂杜門不出築十萬卷樓以文史自

娛子履端入詞林即貽之書曰我已知足汝當知止毋

戀浮名而失真樂也

因亦乞病歸大令著有晚聞居士

集嘗謂宋藝祖以受禪別基通鑑自不得以魏為篡高宗以宗枝再造綱目自不得以蜀為偽讀書論世其說

王海日先生廷對卷 陸薊圃詹事所藏

有明成化歲辛丑貢士二百九十九餘姚海日王尙書廷對

褒然為舉首尙書直諫寓講筵劄陳輔國張皇后忤芳觸瑾

望益高留都官罷歸林藪平蠻破賊兒輩事 謂陽明先生 富貴浮

雲我何有此其拜獻先資言心期賈董為儕耦想見縱橫書

在紙龜鑑誼古龍蛇走丹沙染筆何淋漓標題定出臣安手

七制三宗十一事東劉漏言憎多口 七修類彙以三宗七制為劉文和漏題誣讖不

可我從文字瞻氣節耿耿元精映星斗牽連譜及收藏家舍

人詹事皆吾友 先藏陳舍人待軒家今為詹事所得 柏花薇露熏盥讀敢因黃

絹題額曰吾家侍郎成進士百有二十年之後 先侍郎諱三才萬曆辛丑

土_注二甲三名卷尙存老屋度閣塵埃厚儻得合併韞櫝藏楮
敝墨渝同不朽

新綠

九十春光爛漫過天涯從此綠陰多游絲庭院深如幄生草
池塘澹欲波襟上酒痕猶拂拭鏡中鬢影漸蹉跎流鶯喚起
瀛洲夢依舊衣裁稱芰荷

穀雨梅風二月嘉番番爲爾長萌芽谿雲慣泥前村屋窗霧
仍籠隔歲紗依樣園林成故事驚心物候惜春花近來俗豔
捐除盡只愛清陰不愛花

種就芄叢密不剛愛渠生意弄爛熳心期李徑桃蹊外指點
茶烟竹雨閒小草當陽猶恨晚桑枝繞屋未勝攀并成一色
濃於滴添上江南畫裏山

色相多從眼界生，嬾將肥瘦細評論。暫棲么鳳原難認，學賦長楊媿未成。此日門前看印屐，它時橋下記聽鶯。何人養取凌寒節，留伴蕭蕭落葉聲。

汪龍莊屬題菽蘭圖卽送入都

汪君瑰瑋姿，束脩樹名檢。礧礧砥廉隅，巖絜見崖隙。裒義信果必論事，勇往敢髻鬣。丁孤露荼檠，飽軻轆支廈。一木傾汎舟，兩髦髻節貞。出戶庭險定，濟坎窞佳境。老食蔗真味甘，回攬屋牽秋蘿補田。試春泥，鬪文章，鳳嶰鳴，姓氏雁塔鑿縣門。書不刊畫地名，可噉儁望來鼎鼎踵。武起剡剡家肥洵云樂，福集乃無忝前輩。秉遐曠達物，洞元覽走汗籍。湜僵俯視韓魏，欲至道說菽粟微嗜。寄昌歎妙繪託素，尙子墨紛灑染神。采傳骨相點綴，肖頤頷在御對。桓孟繞剡侍，佟儼穉男把書。

觚健婦蒸藜糲刺紋弱女嫻學語雛孫漸經手芳蘭滋入眼
崇花蒼澄爽啟朝披劣馨延夕攬高懷自娛嬰幽意納虛澹
所期黻佩偕未許固舍揜換年頭銜新鎮日手版斂棠茇草
庭芾車畏毳衣茲臥理比憇汲風浴謝狂點黑頭視茫茫白
哲須嗛嗛看鏡識盛顏披圖萃羣感斯時攀奮翼尙許詩題
尸

法時帆祭酒同年寄詩見懷依韻奉答

鹿鳴寄周行皇華遣揚美古者仕易農肆正官其始如何學
淑身百張尙一弛譬若泝泝統傅藥免龜指或以裂地封同
異安能擬生平晚聞道嘉肴不知旨破碎拾故訓攢撫弄文
史中年廢方策躬耕事田里綫拆韞短材緼敝袍見裏言之
赧赧慙遑敢沾沾喜登梯謝雲青誓墓甘蕨紫趨庭負禮詩

循牆媿桃李非無宵燭炳
醜沒行瘵矣何期匠石顧
樗櫟等杞梓采彼過情譽
觀此無本水先生今歐陽
蕙音舄几几中庸民鮮能
萬事方待理師君立頑懦
聞風儻興起

鈔谷音畢題以長歌

錢塘潮斷江起埽厓山舟
沈白鷗沒燈檠出土冬青
枯忍記大年與羊月水雲
琴客滯幽燕風雨詞人咽
穰蕤南城歐血贖錦錢西
臺壘豹惟晞髮餘子膠膠
天地聞白恰黃冠青布韞
鬢絲顛顛拾橡栗形景悲
涼弔薇蕨酒後狂歌熱過
耳雪裏行吟寒透骨文章
零落過雲煙姓氏沈薶付
碑碣京兆先生愛著書唐
瓢可破陸像措冰雪清詞
一百篇剔技搜羅到巖窟
須眉點綴作佳傳片語褒
譏榮袞鉞雲亭問字老侯
芭避俗相攜等蛭歷屨提
又閱五百年海枯石爛字
不闕殘燈

對雨手重鈔行閒光怪生蓬勃題詩忽憶趙王孫北行船趁
南風發

落葉二首

蔭越會依綠滿叢停車猶愛晚林紅碓敲秦塞三更月颯冷
吳江一夜風未肯借枝因擇地幾曾附木自飛空歲寒留得
貞柯在好養根芟待化工

柏翠松蒼健自如紛紛餘子付刊除塵根解脫還真樸眼界
寬閒想太虛谷口人歸雲臥後山頭獵罷雁來初論功大樹
封侯事且掃空庭伴校書

嘉慶丁丑重九庚戌風雨無聊閱翁覃谿金石記終卷
因綴以詩

左手持螯右拍浮插萸令節獨登樓滿城風雨驚遲暮過眼

雲煙任去留歎逝幾番看宿草

蘇潭選樓
頻歲祖謝

懷人何處繫歸舟

南陔尚
未抵里

耐寒尚有東籬菊伴我清宵秉燭遊

己卯閏月戊申梅雨讀覃谿藥洲集意有所會即借集

中種蓮第二首韻

梧桐無埒枝松柏有本性君子貞素履周道不由徑試看天
光發乃諛泰宇定學仙始辟穀作佛坐摩鏡弗嫌本領雜誰
遣塵念滯一言敬直內端倪自存證

春雨學博屬題錢舜舉蘇武歸闕圖卷

穹廬遍野沙茫茫風吹草低雁南翔蘇卿乘風還故鄉節旄
禿落旃裘涼誰與送者右校王跼注韎韋犀毗黃仰天握手
氣不揚苑結抑塞摧肝腸從騎跪進湏酪漿通國十歲能挽
疆射兔掘鼠持作糧胡婦對之心感傷欲別不別牽衣裳更

有渇角羝乳羊肱麾不去鳴聲長子卿慷慨泣數行從此分
袂各一方不復相見毋相忘橐駝驂騏齊足良行程蒼茫紀
不詳漢關峨峨近在望山川重秀日再光歸詣北闕朝未央
太牢告祭先帝旁拜典屬國爲列卿道路觀者如堵牆面目
改易鬚眉蒼丹青圖畫何堂堂齧羶咽雪苦備嘗不降不辱
臣之綱千載而下誰頡頏洪皓朱弁郝仲常垂示風紀傳無
疆

爲蔡陸士茂才題扇次卮香上人韻二首

束躬修以潔與物見於齊餓豹毛藏霧游龜尾曳泥亟如宛
射犬佞謝伯州犁老矣能偕隱牛衣對逸妻

鐵鑄它年錯癢成此日翁書譎添白土文拙媿青銅歲月漏
穿日生平統見風最憐兼五伎去蝨致蛤窮

道光乙酉長至後九日登石巖山次敦甫侍郎韻

垂老來登第一山近山如玦遠如鬢薺苗破土松千尺布衲
圍田水幾灣石徑穿雲尋犖确桑林餘葉綴朱般歸途豫作
重遊計野菜花黃筍籜斑

趙

字侶鵬上虞人乾隆庚子進士
官廣東欽州知州著南庚小草

校官詩錄先生為吾邑前輩又為吾學前輩入
粵詩有云彷彿湖州畫裏詩何倦倦是邦也

吳興學舍題同官洪君小影

長松老秋色樹下秋氣侵高人恣行樂坐對秋桂林借花驅
塵劫煮茗論素心素心何所屬空谷有賞音涼飈度天籟流
水鳴清琴濯纓并洗耳書味如可尋胸羅不計卷探奇融古
今時還憩落石臨風一披襟

徐志晉

字接三號畫堂武康人乾隆
庚子進士官山東登州知府

耐冷譚畫堂服官數十年以廉自勵由御史出守萊陽
嚴却屬員供應詩無專稿曾以素簾寫移居詩見貽因
錄之

移居

京居卅載鬢絲催卜宅於今第幾回長此全家成旅客果然
小巷隔塵埃補巢待聽新雜語掃逕欣逢舊雨來賸有荒園
剛半畝呼童急買菊苗栽

蝸廬依舊傍西城家具無多庭院清滿篋圖書勞檢點比鄰
雞犬解逢迎尊鱸預想歸張翰婚嫁翻教戀向平不分應官
常蚤起寺樓先送曙鐘聲

張

連

字維清號筠莊西安人乾隆庚子進

西安懷舊錄筠莊先授陝西武功知縣以親老告歸服
闋後改授保安在任數年以儒術飾吏治剛直有為胥
吏憚之

遊集仙觀

蠟屐拖雲入翠微
碧沙瑤草路依稀
晴嵐潑黛黏吟袖
香雨飄紅點客衣
古壁塵昏詩半蝕
丹爐煙冷篆還霏
壇前月色涼如水
幔卷晴空看鶴飛

何

琪

字東甫號春渚錢塘布衣著小山居詩稿四卷

梳那詩續輯春渚博學能文章書法絕似董文敏尤工
入分以世鮮識者不輕作性兀傲好議論齒鏘犀利意
氣自若被酒則嫚罵或大哭嘗有詩云醉裏罵人醒可
怕醉裏笑嘍醒可訝我非有酒無時無自紀其實也得
衢奈何故態老仍在二被酒無時無自紀其實也得
馬湘蘭所用硯自號湘視生其屋榜曰小山居者葬田
居侍御嘗書此三字
贈其祖岳瞻大令也
緝雅堂詩話東南居北郭枯樹灣南多業漁因自號
曰南灣漁叟晚年慕石守道唐子方之為人又號二介
居士嘉慶元年閏學阮公薦孝廉方正不就閣
學贈詩有清名已被左雄知之句先生蓋狷者也
小玲瓏山館觀汪雪疆所藏朱刻江湖小集

我來廣陵三月半簾幙家家飛紫燕城東有園春尙賒芳樹
初飄花一片主人嗜古兼耽吟歐趙風流今再見朝來示我
詩一編睦親坊刻此爲冠綠蘿陰裏乍開函醜醜古香紛撲
面字閒真行體各殊筆墨精好秀而健緬昔南宋寶紹閒政
出三凶朝野怨也知蒿日到詩人退身空谷甘貧賤可憐楊
柳梧桐句竟坐狂言論城旦宗之本是能詩客得以並傳酬
素願是集歸君豈偶然五百餘年喜完善神物從來不磨滅
偃蹇生前奚足歎

陳春渠招同揚州江玉華雨中游湖

大好春波載畫船老逢酒座儘流連桃花得氣才三日芳草
關心又一年何處管絃來雨外幾重樓閣出雲邊竹西舊事
從頭話似隔前塵意惘然

陪丁丈龍泓游北郭吉祥寺

北墅多蘭若欣茲地更偏寒花開小圃香稻熟平田千世誠
無策耽禪或有緣重來知不遠一棹到門前

汪員外魚亭招同杭太史堇浦陳丈江臬陸二篠飲集
振綺堂卽送江臬之餘杭

舊雨分攜思不禁尊前錄別共題襟舟穿北郭拏音緩山人
南湖黛色深小醉定尋仙姥酒歸裝應載伯牙琴洞霄覽勝
虛前約劇欲相從快一臨丁丈龍泓嘗約遊洞霄宮不果

嘉慶元年丙辰九月上阮學使芸臺辭舉孝廉方正
章服榮身孰肯辭性耽疎放未能移閒臨淥水荷衣稱深入
重雲竹笠宜薦士孔融真可感恩親毛義不勝悲此情尙冀
垂憐察況是才非十駕時

送謝侍御薊泉還京師

遙指長安歸思深，還乘驄馬去駸駸。未知何地重攜手，且莫

匡時便息心。偽體先教刪歇歇，時采選吾杭前輩遺文讜言甯恤忌僉

王而今日且評都，妄風烈如君寤寐欽。

過山舟太史觀小雲石海涯齋榜

卷軸縱橫其一牀，生涯茗椀與鑪香。喜我得窺清祕閣，笑人

徒羨玉山堂。求書三日為停舫，覓句六時常。遶廊欣看齋榜

酸齋筆比昔摩厓，堪久長。貫酸齋所書山舟二字舊刻天龍寺石壁丁丈龍泓拓贈太史因以

為號且製榜懸之齋中近聞石壁巖久字漫漶不可復識矣

題胡端敏公友朋書札卷子 并序

橫塘胡君夢陽前明端敏公十世孫也。以公友朋十

九人書札凡三十二通屬余賦詩記之。余惟公之文

章經濟備載史冊而十九人爵里姓氏人所未盡知者山舟太史一一考據詳悉瞭如指掌又得大中丞阮公芸臺摘卷中十餘人略書梗概而表著之矣奚俟余言以爲重雖然余童年慕公風烈願一執鞭而不可得今老矣獲交夢陽有厚幸焉其能默默已乎遂走筆賦此用申嚮往之心云爾

端敏忠烈王文成三人浙榜名同登空中之語信有徵

舊傳榜將

發空中語云三人做得好事

甯藩禽滅江西平豐功偉烈莫與京端敏首

發尤崢嶸思公不見見賢裔何啻親炙公芳型昨出書札索題句展看珍重措雙睛三十二通十九人如出一手筆法精諸賢末學那盡識重煩太史兼中丞不知其人視其友一一拜手慶得朋當時幸免付茶毘

夢陽跋云是卷幾燬于火

鬼神呵護由忠

誠夢陽夢陽我畏友品學卓犖超羣英天道好還理有然于
門昌大甯無憑定知是卷世世寶守傳雲祊

將之廣陵胡詩唐孫半峰項秋子奚鐵生約遊雲林不
果遂集招賢寺分韻

貧身敢求閒俗累苦紛擾川塗又將發于役幾時了褰裳赴
佳招一雨失昏曉愛此贊公房可以展幽眺荒池透新荷虛
廊翳叢篠羣峰淨如拭一覽衆綠繞殷勤感良友昔賢風未
邈惠我以瑤華酌我以清醪撫景意欣惜別心悄悄好山
不能隱俯首愧魚鳥

昭慶寺五百羅漢繡帳詩

并序

繡帳鄞邑貞女金氏星月所施捨也貞女許字同里
黃大經之子定聲未嫁定聲死女時年十七泣請其

父至黃成服遂不歸發願爲繡五百羅漢以資冥福
足迹不下樓者十餘年始成丁巳三月隨父來杭張
挂寺中觀者如堵漫成三十韻以記其事俟觀風者

采焉

甬上有貞女未嫁所天殞朝來忽聞信脂箱屏勿近毅然往
成服事舅日惟謹恐傷堂上心悲來還自忍上樓不下樓歲
月從易盡徧繡諾俱那五百無增損吳綾手翦裁還復理鍼
管一鍼淚一滴柔腸千萬轉憑空自結撰初不藉粉本或籥
雲縹緲或倚樹偃蹇或俯聽流泉或仰睇蒼巘或撐一臂長
或露兩肩袒或伏虎猙獰或乘龍蜿蜒或負梵夾游或跣趺
坐隱或恂恂而迂或憨憨而蠢或疎而修眉或豐而隆準或
杖而非藤或履而是筍或進而趨承或退而蕭散或搦管而

思或持籌而算或縫七條衣執事頗黽勉或三五遊嬉怪誕
堪一哂此從扇隙覷彼以手抉眼其餘難悉數或隱或復顯
靈芸巧莫加貫休技亦窮羅漢相俱畫經營幾寒暑歷久功乃蕝
湖邊古招提施捨夙所選願結再生因慈悲倘許允高懸蓮
座前十丈金翠滿共憫貞女貞觀者涕爲隕可憐三春風堅
心吹不返

項秋子招集半舫觀董文敏書飲中八仙歌

飲酒豈無謂學仙非偶然才人愛酒兼愛仙傲睨萬物何有
焉八仙品概各不倫杜老眼中如一人請看作詩等作史一
一寫生生氣存孰披肝膽醉益真孰視富貴同浮雲延秋嘯
烏幾人見得非以酒藏其身酒豪詩聖天下無墨妙更得思
翁書縱橫十幅挂滿壁仙乎仙乎恍入酒國坐與俱俗書競

尚姿媚耳今觀此書有畫理思翁能飲吾不知筆底煙雲乃
如此借問何如張長史

丁晉字藩號野鶴錢塘諸生

杭郡詩續輯野鶴幼敏悟讀書過目即能背誦性傲嗜
飲不諧于俗年未四十竟以貧死詩盡散佚李西齋緣
庵詩話載其
五律二章

江上訪友人不值

言尋雞黍約江上閉柴關忽遇林中叟同看雲外山潮迴鷗
鷺靜飯罷漁樵閒明月生前浦狂歌猶未還

應澧字仔傳號叔雅一號藉泉仁和歲貢
官安吉教諭著聞然室詩存十二卷

吳振械傳畧叔雅為杭董浦太史女夫少俊才詩文
博綜多奇氣書法趙松雪性耽摯嘗有從弟之妻之喪
當以其子為嗣時值學使按臨有云試畢再定繼嗣叔
雅曰為人後者禮重執喪烏可緩也遂令其子易衰經
不復
應試

羅以智序略應君叔雅客廣陵最久敦槃之會繼盛樊榭嘗得先生所閱顧氏日知錄細字滿卷皆其手校語也

縱陽門城樓藏甲一具傳是僞漢陳友諒物棟揆齋太

守文屬作長歌紀之

康郎山前水怒高樓船十丈凌飛濤火焚其巢風返旆中軍
鼓死慘不驕自昔元代失政馭中原狐走興羣妖黃陵岡頭
啟石眼紅巾賊起如蝟毛大者黠盜稱友諒江州一失天下
搖乘流鼓勝襲姑孰名城墮敗無堅牢卉泐藉地僭大號處
堂燕雀紛啁啁席捲吳楚振朽籜拯危痛哭無申包魏魏左
丞青陽公手支大廈心煩切清水塘前仗慷慨義軍二百死
不撓上流門戶既失險何人戮力收神皋濠毫真人起天步
桓桓佐命風雲遭親提一旅遏勁敵番湖血戰勳尤超黑波

劃開水怪立成功天助驅鼉蛟赤龍蜿蜒不得進

赤龍友諒所乘船名

見元

呂錡射月符占爻與尸江漢訖偽命吳興楚亡左券操

戈沈戟折歎閱世月暗鬼哭生寒潮英雄草澤骨已朽棄甲

何足珍瓊瑤胡為皖江一塊土忘仇忍恥誇元髻麗譙峩峩

列鎧冑金字照耀江波淘

前後金勇字尚存

非鐵非繭神色異魚鱗

片片無殘周十圍腰腹詎可比悚然駭走驚焦僥疑是魚牛

與潛鵠弱肉強食餘腥臊不然螭羆及犀犛寢皮曳骨紛轄

轆奇形詭製所見罕割裂或借烏孫刀縫以瑀胡之勁絃澤

以翠羽之明膏戈鋌不入火不洞轉戰勝著盤龍袍耀武未

足矜異代天敗真可摧雄虓沔陽漁人非真帝驅除為難理

則昭我聞陳嬰有賢母大名未易辭同曹普才先見豈苗裔

妄冀非分心空勞垓下決戰死徒步殷鑒乃在秦楚交古今

成敗論不爽奢蕩那可延一朝琵琶亭畔女魂泣銀牀金鎖
埋蓬蒿同時張王亦奇絕齊雲烈焰珠塵銷我觀此甲三歎
息倔強空負人中豪握符秉籙天所授羣兒自貴徒紛囂吁
嗟乎成臯廣武皆寂寥千年壁壘空盤鵬君不見孝陵松柏
今采樵

東陽二忠詩

宋滕奉使

茂實

千秋滕奉使宇宙著英聲死裏黃繙重生留白雪清帝遷思
牧圉臣繫老幽并羨殺朱通問西湖有墓塋

明張閣部

國維

金人辭漢日公肯任馳驅足蹶殲河寇頭霜赴皖師東南支
一臂水火覆全棋絕命還鄉里堂堂大節垂

贈任子田儀部大椿

朝廷設制科豈不思端人十無二三得古今患則均天公所
位置黑白難具陳聖賢寶吾璞用以息埃氛任子厚重資學
問窺本源持躬束圭璧勵節匹松筠不直

承明廬執事供駭奔郎潛已十載足躡辭侯門高懷巧難覷
冷職榮少分朝衣半緇黑猶入質庫頻

天子羅羣籍俊彥邀

殊恩子以淵雅才乙夜校祕文小學研字書著作月易新官
階雖未轉顏色稍歡欣君交滿天下誰者爲心親爲我抱貞
信歲晚葉不春握手見京邸酌我酒盈尊敦勸存道義商權
到邱墳子亦有肝鬲對子敢不申相期在久要芳蘭以爲紉
明朝治膏秣去去含苦辛衫袖有餘沍留嗅別酒痕

聞寶東皋先生述問口占

帝咨民瘼到儒英丹地期紓一片誠對簿

詔方收李固刊碑人肯訟陽城也知見睨無多刻豈有浮雲
可翳明

聖代自來容戇直定教狴犴貫餘生

聞洪稚存自西域釋還

一官狂戇近沽名匹馬安西萬里行隔歲雷霆天霽怒逐臣
席帽夜論兵方流玉水夸親歷積石河源憶改更歸及酒泉
應失笑渴羌依舊醉顏頰

明嘉靖醮壇酒殘歌

越州祕色無人造後有麻倉燒者妙明用浮梁縣麻倉土燒
瓷成化後土乃竭明

初陶正領饒陽器用先教習淫巧降及嘉隆紅土竭色尙回

青時樣別

回青出外洋用以點瓷

天地精力有時疲蓮盃鷄缸亦罕匹

就中填白稱佳瓷瑩潔如玉膚凝脂以事上帝貴純樸滿注

茶酒無纖緇我行市肆揩老眼喜得靈壇雙酒瓊

瓊心有此酒字

是神明所秘馨摩抄不敢污鯖鬻當年方士盛兩朝憲宗有

李致省

世廟陶典貴

金丹烈禍毒不解太乙親祠福繼邀宮

中大醮修金籙夜半拜章燎賁燭相臣希寵進青詞天子輕

身裁霧縠想見齊明日朝帝注酒此中醜盃備雲漿赤甕比

來同玉瓚黃流遜此貴豈知一物落人閒劫換紅羊淚不乾

前身造是劉伶土神鬼默相無摧殘我捧此甌重慷慨世廟

垂衣四十載不知顧畏在民暑那有精誠格上宰南倭北虜

正紛紜帝眷何曾靖寇氛得毋廣殿觴穆公鈞天樂奏胥夢

夢

郭鳳鳴

字研圃海甯人
著宜橋詩鈔

俞棠序略研圃所居宜橋桑麻翳蔭竹樹扶蘇閉戶
伊唔心閒意適作為歌詩大抵歡欣和樂之詞為多
誰園詩話研圃性豪邁嗜酒耽書詩在中晚
唐間書法直逼趙文敏數奇命舛甚可慨也

昇山道中

寂寂昇山道客行聊自寬野塘鋪落葉流水響空灘徑入層
雲暗僧歸暮雨寒孤舟何處宿燈火樹中看

同潘戒平何端書過拙庵方丈

紅葉西郊路幽情向夕闌竹深留野客泉落淨蔬盤斜日當
門澹秋潮入寺寒遙知人去後永夜佛燈殘

王

相字兩卿號借庵秀水人候選
鹽運司提舉著止境詩稿

春望

日上晴窗起醉眠東郊憑眺豔陽天一枝紅杏雨中火幾樹

綠楊村外烟橫未遠隨烏犍小
蹋莎軟趁玉驄聯春膏共被
人同樂豈為區區負郭田

潘 鎔 字雄飛號柳塘烏程人著寄閒草堂詩集

春日過姜秋島故宅

白社風流復幾時
荒邨落日費吟思
十年刻意搜金井
千里遊蹤紀武夷
吟翠堂空春去靜
聽松人老鶴歸遲
相逢野叟談遺事
曾見尊前譜竹枝

吳 晉 字介茲歸安諸生

閔孝子詠 并引

孝子當父垂死毅然剖肝以救之論者以父卒不起為憾此出於孝子引慝之誠則可若旁人以此苛求非篤論也世界不墜賴此等人凡有心者可無詠歌

以永其事乎

墨胎叩馬諫不能挽積商武侯出師表無裨漢淪亡事皆人
力所難濟師心創獲奮若狂深悲極痛在一時千古藉以維
綱常世儒理道膠心腹周身矩度安且詳動云守身以觀變
作事無令元氣傷一朝時艱及勢阻依違傳會多徬徨坐令
大地病頑懦盧扁無以起膏盲寒夜挑燈論今古如意敲碎
愁茫茫吁嗟乎閔孝子目不見書史口祇談農桑披肝瀝膽
奇絕事胡爲乎不在通都大邑而挺生于寂寞之窮鄉吁嗟
乎安得一掃天下學士大夫奄奄泉下之習氣而徧灑以孝
子熱血之一腔

范

鵬字冲一鄞諸
生著存海集

全祖望撰墓誌鵬矢力古文與同里盧錡相粹厲得一
書則更迭讀之聞有所疑折衷於祖望錡精裨鵬濟之

以續密皆五行並下一日可盡數卷里中書不足供其
漁獵則請借於淮東馬氏浙西趙氏窮年兀兀嗜學之
深罕有足與抗者

丙寅春曉

曉春無事正徜徉元氣融融淡草堂
運日一竿初出海寒原
千里尚凝霜山開東牖無端碧
春入南枝不住香誰識清明
平旦景此中消息最難量

觀月

中夜忽太息抱膝起長吟
孤燈耿無光月上高樓岑
開門一以望涼氣侵我襟
百爾妄念消悠然得初心

寫黃氏日鈔作

國是誰支仗大江弦歌小小試
南邦青山埋碧人何處
遙夜寒芒出寶幢

東吳猶有顧亭林可似先生衛道心五百年來香一瓣考亭
學派到如今

西石山

涼氣捲單衣平岡獨立時雲飛千里暗日落萬峰奇潮汐催
人老東西看路歧龍山翹首是上有客星祠

來懋德

字石齋蕭山人候選州同

過萬緣亭

數畝閑閑地方亭遶碧波栽花嫌徑窄種竹喜陰多水煖魚
吹浪林深鳥弄歌清幽境最好勿厭此中過

登江上樓

極目帆檣破浪來長風萬里海門迴平沙岸捲秋聲急絕嶂
天連曙色開問渡尙懷嚴子釣登樓空憶仲宣才鱗網一片

嘶戎馬彈鋏狂歌祇自哀

彭如蘭

字緩山黃巖諸生著石峯吟草

舟過蒼嶼

湛湛長江水微風蹙嫩波客衣今日薄春夢故鄉多野鷺沙邊立輕舟竹外過欲知幽隱處隔浦送漁歌

余鴻文

字闇章號徂徠開化巖貢官桐廬訓導著時焚草湖邱紀遊筮屨錄

縣志鴻文績學能文諸子百家靡不淹貫而歸本於心性之學司桐廬訓潔已愛士扶植孤寒生平尊正學斥禪教治喪不用浮屠里人化之

北山別業

北山之北小樓好滿地春陰不掃苔未必移文到林下與誰招隱過山隈輕雷昨夜抽新筍明月當簾撥舊醅為想百年猿鶴侶抱琴閒坐一徘徊

孫樹新

字介亭錢塘人乾隆庚子舉人官廣東開建知縣

杭郡詩三輯介亭為王見大之妻兄家有百千書屋嘗延張天民課其兩弟友于之誼人皆重之出宰粵東一

權龍門一任開建觀來雨軒詩末句宦蹟可見矣

招蔣蘭洲郁升三愚谿王見大集來雨軒

差喜山城僻清閒避俗塵地雖多寶藏

開建有金玉諸山

心自守清

貧甘雨占時澤騷人入座春十年馳瘴海可告在吾民

徐

培 字星甫錢塘人乾隆庚子舉人官江西雩都知縣

乙亥冬日過松風草堂素江兄出示謝文節遺琴率成

一律

南渡江山白雁飛倉皇僧寺變麻衣孝娥事去碑猶在丞相
師亡國已非憤血一腔流石薦銷魂千古黯金徽延陵夙擅
焦桐癖珍重秋堂妙手揮

朱上林字根石號蒼巖一號晚樵錢塘人乾隆庚子舉人
官安徽天長知縣著根石詩鈔一卷寄軒贖稿一卷

吳振械傳畧根石行楷婉秀有唐賢風且工篆刻官天
長案無留贖不妄加刑又民于農事不諳豐歉聽之天
乃募江以南老農與之講求耘耔巡撫荆公道乾謂之
曰吾甫抵揚州即知君為循吏入此境來所聞果不謬
已首列薦贖矣旋以
丁母艱歸不復出

雜詩

憫茲蜉蝣蟲朝生復夕死螻蛄昧春秋壽夭只如此入世能
幾何勞勞不知止悠然起長歎心迹淡于水卓哉張子房長
從赤松子

柴門久不啟白雲終日閒偃仰頗自適甯知時事艱得酒且
便醉高歌開笑顏日莫寒風生明月升前山

陸

新字澈圃錢塘人乾隆庚子舉人著新語草堂詩鈔

沈颺序略漱圃負經濟才其詩雄
 渾晚年工填詞人以蘇辛目之
 朱上林序略漱圃陸丈入閩游真詩卷至富晚
 居女夫楊竹隱之亦園亭樹幽曲文讌甚多
 杭郡詩三輯漱圃早歲出游究心世務嘗佐學使衡文
 秦隴適仲弟朗軒太守宦西陲聯榻署中歲餘歸卜宅
 東城行年五十乃登賢書會太守被吏議家難作漱圃
 名並望議中貲囊罄盡事得白獨走古長安移弟樞歸
 貧益甚復出游閩楚滇黔時臺陽構亂苗人滋釁漱圃
 在行間飛書走檄大帥倚如左右手與張雪濤同著聲
 譽

臺灣紀事八首

羽書飛達到榕城何物么麼敢弄兵
 直逼大墩營逋逃往索謀非拙狡猶難防
 師夜潰閩南從此事東征拒捕戕官已伏法
 在捕中未獲潛住大里棧糾眾謀不軌彰化俞大令會北路
 赫副戎帶兵役往捕天晚駐營大墩期詰朝為掃穴擒渠計
 是夜賊先發劫營官兵遽潰散俞赫二公皆遇害

瀛壖三路出師同北淡東臺鹿仔中移節新開司馬府提兵
直檄海澄公樓船破浪風雲壯旌旆揚威島嶼雄拜表即行

爭識面共看元老是元戎會城得信督撫會議進兵水提督

提督任由中路放洋援鹿仔港海澄公黃由東路放洋援郡城陸

淡水制府常公移駐泉州督率配渡中丞徐公留省轉運軍

人仍稱爲將軍時年七十六矣省

失陷諸彰又鳳山大湖烽火逼臺灣日當除夕猶酣戰賊到

鹽埕乃潰還殼鯨牛車煙焰裏孤危鹿港鼓鼙聞提刀躍馬

全軍振莫把書生視等閒大湖去縣城二十里鹽埕僅五里

夕賊由大湖逼郡城官軍迎敵至鹽埕賊少卻復擁衆至賊

畏官軍火器潰絮蒙牛車上以禦郡丞楊廷理率所募健兒

千人提刀躍馬奮勇助陣賊潰

走時避賊難民俱聚鹿仔港
軍精軍火費持籌鎮靜從容領八州聚米成圖真井井飛書

草檄總優優虎門氣猛偏師壯艦甲機危勇士謀不見南臺

親勞日歡聲雷動上干矛北淡水之竹塹亦陷于賊迤北四
焉巡司守備糾義勇千餘人竭力固守賊窺伺急飛告省城
請援引領望官兵至前派援北路之郝鎮以制府檄并力援
臺郡未至中丞徐公慮賊勢愈張檄閩安鎮徐副將
迅援一面奏報一而出師自是賊甲之守益堅而賊不敢再
犯

三城收復謂淡水彰化鳳山也泊諸羅諸羅今嘉義鼠竄狐奔未止戈巢

穴盡搜方滅此萌芽滋患敢由他南天閩寄資光弼炎海功

成待伏波謂福公相宿衛桓桓盡羆虎審幾決策

睿謀多一廳三縣以次收復而林逆復圍諸羅數月未解並

猖獗時制府常公已督師臺灣請益兵上既允所請命

節相福公為將軍暨海侯蘭察鄂公輝等帶領巴圖魯侍衛

章京師剿捕

東甌南越接閩疆犄角何如併力强六道貔貅雄海甸千營
刁斗肅戎行掘山那許營三窟列陣何勞按八方崇武片帆

驚直渡游魂不戰自倉皇 先是已調浙粵兵過臺至是復調黔楚粵西四川屯練降番合兵會

勦師行整肅福公相由泉州之崇武畧一日夜直渡鹿仔港先搗賊巢不戰而捷賊首林爽文就擒以次廓清南路迨莊

大田授首不旬月而賊平矣

界畫雞籠開關雄百年兩度聚沙蟲區分首從朝家法擒縛

渠魁上相功惟

帝好生恩曲貸如

天覆物量真宏投戈即作良民視落葉秋風一掃空 臺灣縣互千里

北盡內山形似雞籠康熙六十一年朱一貴反討平之至是復有林爽文之事屢奉諭以招撫脅從解散賊黨為要

一經棄械投誠即為良民天語煌煌仁至義盡福公相至閩即大書告示數十道遍諭行間示以順逆未東渡而賊

勢已渙賊平遵奉詔旨分別辦理全活者甚眾

紫光圖像駕凌烟

敕建生祠閩海邊十丈穹碑懸日月千村鴻雁樂安全蠲租

喜讀膽黃

詔振粟還增子紺錢錢之以赤窮谷生番咸稽首來王萬里

戴

堯天

賊平圖福公相以下十二人貌於紫光閣上親

御製紀事文三篇凡指授方畧明慎用兵之意炳若日星

建亭豎碑於郡城巽序之際地既寬免租糧復大加振恤戶

給銀米若干江浙兩省運錢協濟難民咸慶更生番自古

不通聲教者至是皆悚惕輸誠各社長願瞻仰

為榮幸 隨年班各部部落至京師

將有楚行留別去瑕雪帷春山諸君

無多同調劇堪憐惜別今宵意惘然三徑纔歸閩海客廿旬

又上楚江船山川莽莽人千里雲物蒼蒼秋一天此去黃泥

坂下泊倚聲大好證坡仙

張雪濤自黔省營次寓書問訊詩以代簡

兩浙輶軒續錄

卷十三

陸新湯齋

三

觸熱長途待放舟感君別我意綢繆恰言往日經臨地可供
閒身汗漫遊百里音書煩問訊萬山軍壘作句留飛章草檄
吾知媿空歎勞勞已白頭

湯

燾

原名愷字春叔仁和人乾隆庚子舉人官江蘇吳縣知縣

陳無軒索和湘管聯吟卽次元韻

圖書緹裏空架屋鄉山夢繞秋窗竹頻年塵上笑我癡虛擲
流光輕尺玉書巢太守風雅宗清詩秀奪羣山綠吐辭霞綺
散千峰吹籟笙鐘酣萬谷相逢羈羽感知心何意萍蹤邀刮
目扁闌試士藻鑿平爨下餘材嚴取錄春迴海上烟樹青鶯
花應笑枯腸俗我來正遇顛風吹坐憶雲山三百曲快聆餘
論粲珠璣何必清歌兼竹肉豪吟掣電不容追和詩聊以賡

清穆

沈

颺宇廷揚號眉峰仁和人乾隆庚子舉人
官福建臺灣知府著我媚山房吟草

召試

吳振械傳畧眉峯先生以
一等第二

賜舉

人授中書入直軍機房選授汀州郡丞乙卯冬奉檄查

核倉庫工程會姦民陳周全糾眾攻據鹿仔港陷彰化

慨然曰此雖非我守土然城中無官將誰與守急募義

民二千餘人與賊決戰賊大潰復安撫四城札諭番社

同心防護又選幹役四出偵探逆首就禽擢臺灣郡守

賜花翎

旋署臺澎兵備道解組歸主臬比者二十餘年

題晚翠樓看雪圖為梅坪作

南園三畝餘結樓背村屋殘雪霽羣峰蕭疎映松竹詞人三

五俱約眺湖邊麓寫出歲寒心亂筆點空幅境曠怡眾志野

淨豁雙目凍雲壓水低老樹架橋獨憶昔出郭游每偕潘與

陸

謂德園古漁

酒闌鳥勸頻客至犬迎熟紛然南北飛良會不可

復搜新意已欣據舊興猶逐慷慨發長吟清響應巖谷何日

共幽棲隱愜吾懷風

嚴公溥

字香雨餘杭人乾隆庚子舉人官歸安訓導

三月三日同人集汪秋坪叢桂堂修禊不克赴分韻得

流字

離合有定數嘉會難多求自昨春社散苦雨增煩憂上除得
新霽庭院風修修春光若過客欲去胡能留遐思蘭亭上觴
詠皆名流快然足所遇禊飲垂千秋亮懷繼芳軌有堂清且
幽淵乎度冲雅對之如虛舟吟情日以健揮毫益警適眷念
二三子臭味分相投開尊訂雅集厚意何綢繆或以事中阻
或值疾甫瘳謂龔藥房王椽村我因謹齋故而亦虛讌游紀勝限體
製分韻窮研搜幸非永和載罰免同虞劉俯仰又陳迹我心
徒悠悠

董雲標

字上湖餘杭人乾隆庚子舉人

杭郡詩三輯上湖工八法名噪一時詩則罕見蓋以書名掩也此於清靜經金丹四百字搨本後見之筆法清挺為晚年所書

嘉慶元年余追暑吳江純陽觀觀有玉皇殿將圯為新之於柱礎下得趙松雪書清靜經金丹四百字老子及張紫陽像石刻完好道士金鶴翔曰觀於康熙十八年施鐵竹法師重建則此石之湮久矣因作歌以

紀其事

純陽觀近楓江湄我來追暑偶憩之杳思無存瓦半墮丹粉剝落牆亦糜石鑪灰死燕麥秀玉座塵滿蛛網垂屋漏惟餘古釵腳壞壁莫辨鱗之而殘碑斷碣不可覓坐久俯仰傷陸危鳩工聊用蔽風雨發地得石驚瑰奇泥沙淨滌光可鑿細審點畫分毫釐常清靜經及丹訣千字一律無瑕疵更披前

額得經相二老奕奕兼嚴慈輕如游絲細蠅腳出松雪手真
無疑廬山寶書此其匹黃庭金粟肩相差誰撫真蹟壽之石
搨本爭購揮縑絕一旦湮沈柱礎下顯晦皆有神護持不然
道人施鐵竹好事亦足豪當時何爲搜索不到此坐令神物
傷淹遲乃知此石光久閱將數百載無人知必爭先覩始爲
快此意未免成貪癡不如踢壁北窗臥且譜混沌尋希夷

唐以坊

字靖川歸安人乾隆庚子舉人官象山教諭

題錢薪溪蓬島樵歌

詩人的的有仙才拄杖丹山頂上來百首樵歌歌不盡朗吟
飛上小蓬萊

十載游仙興不窮與君乘便乞樵風夢回忽憶江鄉景身是
茗溪一釣翁

吟殘回浦百篇成
枉輯圖經徧四明
記得青蓮居士語
故應低首謝宣城

奇才三絕舊傳名
笑我寒羶過此生
擬作他年樵唱侶
芒鞋

青笠共君行

李承道

字薪傳 鄞人 乾隆庚子舉人

徐時棟撰墓表君以隴州牧歷權寶雞渭南二邑暨同知留壩廳嘗兩保危城再殄巨寇其他惠政不可殫述卒之日民相率奔喪釀金為代償官通揭白旗大書德政護其喪出潼關平生能詩畫亦瀟灑無塵俗氣溫承惠傳畧承道知隴州值川陝教匪方訖乃令各鄉築塞練勇互相聯絡賊不敢至上官才之移治寶雞其堵賊一如隴州王延楊居等以邪教聯結七州縣會匪謀亂承道廉得其情卽乘夜率衆搗巢穴殲其巨魁專旋定又數年卒於官

和明府錢竹初臘月八日汶上旅次見寄韻

日月湖邊水拍琴
芙蓉峰外玉排簪
詩情都入湘靈句
別緒

偏縈叔度心驛路晴熏花纈放村橋烟溼柳絲沈遙知到處

陽春腳竹馬重聽繞郭音

陳元棫

字北雲號惺齋鎮海人乾隆庚子舉人大挑教諭著惺齋詩文集

姚燮曰先生之詩議論至中道理至當錚錚夏夏自成一奧竅仍不失為明堂之坦傑清廟之魁闕藉非用心之苦屏俗自潛亦烏能臻斯境也

讀劍南詩

一飯不忘君子美拜杜宇太白甲英皇別恨寄千古渭南何
堂堂此意猶踵武橫稍劍門關雄心思進取白頭夢鏡湖南
山還射虎我今讀遺編慷慨見肺腑王師定中原家祭囑告
父平生忠孝心風雅此其祖

揚子江

天地分兩戒江河為之紀長江發岷山下流實揚子三山如

鼎足卓立烟波裏蒼茫瓜步閒縹緲寒烟起西南望羣峰金陵實秀峙龍虎氣鬱盤嵐氣蒸霞綺六代遞興亡滔滔付逝水江聲萬古喧銷沈幾青史俯仰弔前朝天塹安足恃

泰山麓

晨起問僕夫云過泰山麓行行十餘里陡然駭心目廉石如劍戟拔地紛紛轟乃從鋒芒上傾側過車軸南人慣舟行掀簸隨起伏波起舟亦起高低勢相逐如何石如浪澎湃擊雙轂忽如升高厓倏如墮深谷繙後復繙前馬行蹶亦蹶歷險昔何曾偶爾未傾覆古人戒垂堂胡我此輾轉今朝倚枕眠回思頸猶縮

夜坐

我生一何幸塵事無束縛縱心觀古人俯仰供笑樂靈機忽

然動天趣相輾泊當其鼓動閒電光偶一灼轉眼任之去無
須更執著不執又重來波靜見魚躍引派或紛爭交支復聯
絡默坐淡無思衆流赴大壑太極本然初不言心自獲動靜
兩循環主靜源不涸

華岳

地軸迴崐崙逶迤入中國太華當其衝特立似屏塞扶輿萬
派來逆受尤有力朱圉同鳥鼠漸次宛將翼造化流峙機擬
諸運筆墨扼要勢暫停猛拓愈無極西岳鎮梁州一柱萬仞
植頗如泰岱雄作障滄海側

讀錢鏐世家

紇干鵲空依依羅平烏忽飛飛臨安博徒起負販大樹亭亭
挂錦衣名馬幾駟玉帶重圍斗牛無孛人無欺歌聲慷慨駕

言歸自古術者好奇中豫章相士非知幾剝剝弗堪此其尤
動而爲孽名論希五代紛紛皆餘閨錢塘一隅何足譏

月蝕

北方寒龜縮破壳蒼龍盤首不敢躍

是日立春故云

蟾蜍梯雲忽爬

沙瑤臺一鏡恣饑嚼我讀玉川月蝕詩彼何爲者語淋漓浮
光虧天員魄沒慷慨不減青蓮詞春秋日食書紀異月食不
書詎無意綱常自是大者光陰魄當空尤責備卿士惟月省
所宜佐職安容失其次提綱須知衆目存經雖不書情可致
外此碌碌不足苛昌黎蘊蓄何其多

南宋宮詞

江北江南羽檄馳干戈滿地怨流離哀鴻夜月鳴聲苦正是
宮中放鴿時

洪

杵字雪壚臨海人乾隆庚子舉人

宋世榮曰雪壚南沙五世孫也淵源家學博涉羣書旁至陰陽醫卜之言無不講肄尤工於詩三子頤煊五子

震煊並博古之士阮文達定

香亭筆談所謂二洪者是也

筠軒詩鈔留別櫛堂詩注云先大人乙酉拔貢地齋己

酉余辛酉今癸酉櫛堂又得此并從兄丹霞丁酉而五

地齋坤煊筠軒頤煊櫛堂

送阮篤菴歸黃巖

委羽山頭芝草長，鐵鎖高懸三百丈。歲歲望君君不歸，三花

空自開如掌。憶昔追隨萬石岡，酒家買醉論侯王。此時意氣

貫瑤斗，攜手往往看虹光。鐵網珊瑚盤不得，明珠江海沈雲

黑。世上何人九方歎，雄心不復嗟驥蹏。只今涸轍無縱鱗，蕭

蕭華髮滿頭新。天涯回首清游處，應憶靈江釣石人。

宴海樓將軍歌

將軍鐵衣花繡紅將軍鐵乳珠嵌胸百年無事臥橫閣有時
一擊成大功

聖祖御極十三載耿逆縱橫恣頑凶一時倉皇奈豕突遂令
猿鶴驚沙蟲樓船橫海苦相向鐵搗幾敝勞元戎將軍特起
架飛木位置安帖當城東霹靂下吼山岳破電光歛霍金石
鎔蝮蟻穴處盡糜爛骨月碾作塵濛濛須臾霧掃鯨鯢竄海
天一碧摩青銅旌旆悠悠漾落日鏡吹隱隱鏗長風吏民仰
視競歎息卓哉真勝百萬貔貅雄凱旋上奏

天顏喜幾人王侯誇增封將軍不語獨韜晦風雨城隅潛蛟
龍但願天河長得洗兵甲將軍不妨老置寂寞蓬蒿中

王

環字子佩號月洲永康人乾隆庚子舉人著

五峯紀遊

下河車車苑金 卷一三
覽勝尋遺迹登臨懷昔賢瀑飛晴壑雨鐘溼暮林煙草色山
腰合松陰屋脊圓古人今往矣光景尙依然

雨後過龍窟原問陳龍川先生墓

雨氣滿龍川臨高轉惘然雲橫半嶺峻瀑湧兩峯懸古寺鐘
聲溼人家樹色偏歧途試借問何地葬英賢

魏彝憲

字秉初號瑤舟銀河子錢塘人
乾隆庚子副貢官湖州教授

八月二十七日同伯兄及兩弟兒子謙豫謙復紫芝山

房看桂

秋半風日佳叢桂開幾樹何處花已繁地近夾城路乘興少
長偕朝暎含宿霧深深曲巷通寂寂閒門護枝蟠翠影橫藥
綻黃雲布空庭草不除妙香人自悟淪茗佐清談林陰任徐
步未詠小山篇且續池塘句

黃仙根

原名運興號亞圩又號芥圃海鹽人乾隆庚子副貢箸銀花藤館詩集十卷

縣志仙根積學多才尤好施濟郡邑修學宮葺書院以及濬湮掩骼諸善舉無不預晚年設義田祭田刊刻規約斟酌盡善

偶成

綽約紅蕖放滿池故園別去又經時常懷北郭吹竽恥不作
南山種豆詩抱病自驚三伏蚤論交猶幸十年遲捲簾日暮
涼風入且對名花進一卮

當湖采蓮曲

波光十里小瀛洲棹入花叢亂野鷗一曲吳歛人不見香風
吹滿弄珠樓

擬折芳馨贈所思相思堰畔並頭枝憐他抱月飄煙好小泊
湖墩駐少時

九龍巷口棹歌齊十杉亭外夕陽低歡似荷珠擊不定歸舟

風急過前谿

王

洽 字玉林分水人乾隆庚子恩貢官昌化教諭著王林齋詩藁

施肩吾洗硯池

一泓淺碧落松坡濯濯隨緣孺子歌偶爾詩仙濡翰墨長教

騷客憶槃阿祥雲玉尺量文錦 池西玉尺樓公讀書處 細雨蘭膏漾素

螺我亦藝林從事者卻思拾瀋宛新荷

黃

易 字小松錢塘人官山東運河同知著小蓬萊閣詩

緝雅堂詩話君能詩工詞畫宗倪黃篆刻得其鄉先輩
丁龍泐之傳尤精於金石之學筮仕山左嘗棧得永壽
熹平殘刻范巨卿碑早佚君與李鐵橋先得碑額後又
仿得原石一時稱快嘉祥紫雲山武祠石室畫象歐趙
以來著錄僅存二十餘石後無可疑石已毀揚君窮力
蒐討共得四十餘石築室排列立石記之適維揚汪氏
所藏舊揭武祠畫像册歸君所有嗜金石者爭豔其遇
君所得漢魏諸碑手自鈎摹附以題跋開雕成帙是為

小蓬萊閣金石文字述庵司寇云君所著尚有武林訪碑錄惜無刊本

送郭十四南歸

踏雪送君去江南
筍正肥花隨春
雨密帆逐亂雲飛
歸興濃於酒
波光綠上衣
官閒貧亦好
來往總忘機

吳門夜雨

虛負吳閭六日留
殘冬衰柳繫行舟
獨聽一夜瀟瀟雨
也當

春宵臥小樓

汪鳴遠 字鴻九錢塘諸生著鴻齋詩藁

滹沱河懷古

潢池氛燼半澄清
猶畏風波阻敗旌
若使將軍能策敵
不教卜者有追兵
滹沱水急流沙亂
麥飯亭荒落日橫
行客尙知言漢事
冰堅一渡幸成名

汪 淇 字瞻漪 錢塘人

寄眞州示立先弟兼憶舊時讀書湖濱

夜雨空山獨掩扉春風寒映薜蘿衣
泉鳴古寺青燈暗猿嘯荒村綠草肥
一水關河千里隔十年藜藿五更飢
遙知此日長歌倦猶憶高樓待月歸

陸 謙 字與讓 錢塘人

懷舊

百尺巉巖手自攀當年倡詠此回還
依然碧落峰巒迴再到元都鬢髮斑
雪霽江光連海宇雲開山勢繞天關
一番懷舊天如綺簫鼓闐闐簇市寰

浦 鎧 字聲之 號秋稼 嘉善貢生 著詩建閣集

石瀨山房詩話秋稼深於經學弱冠卽從事十三經註疏正字通一書廣購古善本校正疑訛得八十一卷友

人陳唐卒往哭以白金若干還其孤蓋孤與其母初未知也

同董愚谿先生探梅鄧尉夜宿萬峯禪院

巖舟虎山橋探梅入鄧尉綠疇如掌平相攜踏寒翠野水略

約橫古柏羅陰隘龍鬪與蚪翔險怪非人意司徒廟古柏四章分清奇古怪

之目殆數千年物也平臺何峇峇烟熅迷花氣如入衆香國令我心神

醉臺湧出萬梅中俯視四周白雲彌望顏曰香雲海迤邐復前行林蘿轉蔽翳長風

振喬柯冷泠淨襟袂殿角露山腰卽之路轉昧僧雛出翠微

引入山中寺晚飯飽嘉蔬軒窗豁遠背曠望極高深鬱決蕩

胸次嗒焉我喪我塵心了無自禪榻茶話清松月照無寐

登東山

東山古名勝飛策上雲關碧蘚揉紅雨青蘿擁翠環峰陰春

木潤日落晚山殷屐齒曾游處風流許共攀

王

炯字若園長興人
著鐵花居詩鈔

寒食懷丁四

去年寒食君訪我挑鐙話久月西墮無端寒食又今年思君
北望指金蓮金蓮山上烟樹蒼金蓮山下溪流長溪流烟樹
兩不見紅雨接天春茫茫

晚春漫興

小住招提歷曉昏

時高後
漾庵

流光勸我倒芳尊一簾花影濃於

酒十畝桑陰綠到門作客有詩堪遣老留春無計欲消魂凭
欄心事還誰識又墮千山落照痕

寒食夜坐有懷叫夫

柴關冬復春卻埽度昏晨細雨逢寒食孤燈憶故人經時尺
書斷遠道綠蕪新能否東風便荅陽一問津

倪嘉平 字泰庵 象山

西廬雜識倪丈為吾友非山父力田課子不求聞達非山受知前令史庶常笠亭閱其貧嘗撥瀕海塗田四十畝助膏火既受成丈命捐為邑人鄉會試公產眾共樂輸積增至百餘畝號科舉田喜集句六十後歲有紀年詩大臺之齟齒落復生視聽如舊督課孫曾怡然忘老

集陶句贈孫廣文後齋

我無騰化術形迹滯江山達人解其會八表須臾還去去當

何極高操非所攀行行至斯里一欣侍溫顏

峩峩西嶺內蒼蒼谷中樹 西谷在彭姥峯下 亭亭凌風桂生而相依

附負枝肆從游幾人得其趣灼灼葉中花朝霞開宿霧 象山紅木

犀本時產先生署為齋名

楊育俊 字又庭甯海諸生

題阮將軍廟

十年勤捍禦倉卒竟捐軀馬革收城畔狼煙息海隅名鏤蒼
石古亭鎖片雲孤往事供憑弔祠前日欲晡

鄒家修

字國顯號勉
庭瑞安人

山岡晚眺

憑眺山岡上長河接古城夕陽隨鳥下新月隔林生
篷底吹漁火灘頭亂鴨聲不時松籟起清聽有餘情

遊明慧寺次章敬亭韻

入門蘿逕曲到眼碧烟濃雨色千竿竹濤聲百尺松
空瓶盛活水古壁繪真龍喜值同懷子來聽物外鐘

宿清泉寺

獨宿清泉寺長宵對短檠蕉窗遲客夢山碓亂泉聲
漏靜僧還語月明鳥不驚此中幽寂況佛老本無情

王朝梧

字疏林錢塘人乾隆辛丑進士官至山東按察使

舒位曰余客河間府幕時疏林王先生方守郡既而先生奉

侍旨

褒詢尋擢備兵貴西邀子同行會南籠狎苗韋朝元反

大將軍威勤侯勒保徵先生從征自安順至普坪轉戰

五百餘里郡圍始解退守巢穴我兵乘勝夾擊賊衆宵

旨賞

戴花翎嗣以河間舊失察事被吏議左遷當去

中丞奏請暫留謂與義善後先生當獨任之

讀劉向傳有感

進對王張莫與齊穀梁講論石渠西好奇金誤淮南術校字

光分太乙藜宗室誼經三世久外家勢抑五行稽紛紛災異

堅冰恍落葉傷根語最悽

祝

字簡田海甯人乾隆辛丑進士官翰林院編修著海粟齋詩集

祝 祝郡詩三輯簡田乾隆乙酉拔萃是秋冠京兆試丙申

召試特授內閣中書此捷南宮選庶常未散館

侍旨以編修校理

文淵閣詞臣異數也

王朝梧 祝 俞廷掄

畫

題朱貞女芸生頻伽禮佛圖 并序

貞女所字周維祺以溺死女遂長齋禮佛作此圖

仙人騎鯨去月墮波茫茫聽彈無渡河慘斷冰雪腸赤繩一
以繫白首斯所託禮寬我自嚴境苦心翻樂花龕禮空王鑪
香青一絲香亦無盡日心亦無改時香寒心不滅千古有餘
悲

俞廷掄 字杉舟餘杭人乾隆辛丑進士官雲南昭通知府

杭郡詩三輯杉舟少以優行貢成均文名噪甚和相欲
羅致門下拒弗往韓城王文端雅重之旋由編修出守
昭通潔己愛民免郡中值日之役禁官買器物之弊舊
時例運京餉以馬負載既交卸載鹽以歸獲少利以償
蜀豆費其後官商爭利銅局外復設鹽店昂價病民吏
緣為姦杉舟禁鹽店鹽價以平郡中樂馬一廠舊有公
廠務重困乃力革之去官之日士民有歎歎泣下者
將赴昭通陸行抵富陽途中回望天柱峰有作

峨峨天柱峰佳氣籠碧落其巔多白雲雲移向南郭近郭卽
我家慈親居索莫我初還家時侍母坐帷幕母言萬里行嚴
裝且踴躍循聲徧南徼所學期無怍一旦辭母行母訓聽猶
昨迢迢富春道僕夫勇氣作去速首屢回但見峰岵嶸願將
思母心隨雲佈寥廓望雲詎師古離懷冀可託

馮集梧

字軒圃號鷺庭桐鄉人乾隆辛丑進士官編修著貯雲居集

蒲褐山房詩話鷺庭爲養吾侍御子侍御藏書精校刊嘗刻元豐九域志杜樊川詩注惠定宇後漢書補注盛庸三儀禮集編又畢秋帆尚書續資治通鑑刻未及半賴鷺庭重校刻成之

武城縣

漳與衛合流厥性喜奔竄沙水相排拶取道倏變換此塌乃
彼漲往復如螺旋旋舳艫行相銜回頭成對面張帆復卸帆順
逆口幾徧自是水致曲非關風善變我昔鼓征棹富春勢瀨

下
卷
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

瀚怒濤聲喧逐所齧無堅岸村落或當衝積毀存不半彼民
多顛連客心頗驚憚茲行值水縮平進隨魚貫秋柳尙依依
呼羣有鳧雁飽餐無餘事篷窗可靜玩絃歌指高臺傳會聊
一粲汶口流湯湯計程按昏旦

題陳桐嶼畫冊

遙心落何處秋色渺無邊偶得山林意來參文字禪孤花如
欲語頑石總成仙寥落風塵外難爲知者傳

哭劉給事謹之卽述湯夫人殉烈事

有夫爲良臣有婦爲烈婦人生孰無死死亦稱嘉耦結褵三
十載尸蕢兼奉帚早歲贊成名瑣闥紆華綬松柏有高枝薦
蘿相結糾雖非同根生所願同白首陰堂告惡夢年僅四十
九良人忽見違子焉無主後茹淚視含襚苞箬及嬰柳客散

僕御倦仰視月宿斗重泉路幽幽去者尙未久安行應有待
相從宜急走吾有朱絲繩結以雙環紐持向靈牀前畢命義
不苟身死名則存詰朝傳萬口

至尊聞之歎謂此足深取良臣誠可惜乃婦更寡偶下

詔爲表揚贈恤從優厚

贈給事爲鴻臚卿夫人旌表

我家本通家風義

又師友名門標盛事悲喜兩俱有愧無如椽筆闡發付巨手
金石或可渝此事期不朽

嚴

謙

字抑之號虛白烏程人乾隆辛丑進士官江西高安知縣

鄭遵信曰虛白歸田後肆力於古文絕不言詩余就養南康虛白掌教白鹿書院常來官舍有三村看花之游載酒於圓覺寺中賦城南紀游五絕句酒半酣向余曰三十年詩戒爲君開矣

城南紀遊錄二

一水周環小嶼斜截流如入故人家紅霞蒸出幽篁裏勝看

河陽遍地花

遊倦人歸帶夕陽行廚置酒藥欄旁管絃未若高談快只恐
穠花笑老狂

李珣

字

乾觀王號海萼山陰人寄籍廣西恭

城

胡壽頤傳略先生性耿介雖處困約無所干謁釋褐後授官迨資選及期而年已老矣著述經亂散佚存此片

羽彌足珍也

暎潭晚泊

帆落江村月舟依遠岸花亂峰千嶂起流水一灣斜野老沾
春酒山妻煮露茶自多江上趣何必悵天涯

過鄱陽湖

晴湖飄一葉煙水望中寬岸接青冥迴波翻白日寒溪魚來
遠浦飢鳥立前灘何日謝塵網磯南把釣竿

曹之升

字寅谷蕭山人
乾隆辛丑進士

左周曰寅谷自魁南宮校書天祿益肆志于稽討之學
其經史摭餘說淹貫宏通深醇淵博于四子書起難往
反穿穴尤盡操觚家第圭臬其制
藝不知其閉戶著書以尺計也

股堰

江城白浪掀天起一堰工成萬家喜往事曾傳里正妻年來
重立夫人祀夫人家世出瑯琊婉婉于歸清白家春來但看
鷗掠岸秋深慣見鶴翹沙一朝重疊官符下小吏狂呼驚暮
夜未得犀從牛渚然那能水有鼉梁駕百丈金隄決潰多催
郎築堰似防河幾番賠累空囊橐無數鞭笞入網羅此時沈
痛中腸迫肅禱虔祈苦無策霜刃親教玉手持冰肌暗向銀
濤擲精誠自可達皇穹沙漲湫移俱化工紅蓼洲旁迎畫鷁
綠楊津畔偃長虹堰成自此長名股千里桑麻歌樂土碧海

誰憐精衛填青天卻是媧皇補蒼涼遺廟夕陽邊歌舞臺荒
咽管絃玉佩久經青蘚蝕靈衣還共落花薦丹心一片常能
照五百年來古誰弔舊日流傳玉女祠何時改作龍圖廟龍
圖血食遍寰瀛豈藉江皋祀事明只解閻羅斷關節何曾一
笑比河清夫人功德無人話未免狂瀾恣凋瘵過客頻招烈
婦魂遺民復下貞靈拜貞靈上訴帝闔開有

詔詞官薦綠醅金額字從

天上錫

鸞封號自日邊來報賽從今慎無怠福我烝黎助眞宰此廟
千秋永不祧此堤萬古能長在客上西陵古驛樓烟波江上
動人愁海門潮落潮生處猶帶當年碧血流

翁元圻

字載青號鳳西餘姚人乾隆辛丑進士
官至太常寺少卿著佚老巢遺稿二卷

余坤傳略公釋褐禮部主事屢諤不阿補嵩明州牧遷
廣南守所至有政績嘉慶二年鄰境南籠狃苗事起募
勇乘障民賴以安仍出境援勦計破賊巢又奉檄援邱
北賊望見廣南旗卽駭走滇邊悉平論功

賞花翎力請振被寇民不足則罄私財多方借貸以益之

全活甚眾性彊記博極羣書所著困學紀聞注行世

湯金釧序略甲午升于鄉者多傳世才山陰曹寅谷以

文會稽宗芥驅以詩各有專集膾炙人口鳳西與吾邑

王穀膝皆以博洽侷鳳西尚工餘事卒業是編其性情

之忠愛悱惻體格之雅正清純養諸中宣于外者曠世

如見矣

朱文治序略太常少年早達一生以清節自持讀其遺

詩其聲則金鐘大鏞其氣則長江巨浸古今各體卓然

家成

過王謝庭山居

引勝不知遠尋君到隱居山鳴擣藥烏池躍聽琴魚坐久下

懸榻香清聞翦蔬我來常信宿童稚笑牽裾

題王氏山莊

兩折齋軒續錄卷十三 翁元圻 美

山齋幽敞隔塵緣，仄徑清流似輞川。夜靜溪聲來枕上，晝長
嵐影落窗前一甌。花乳和雲煮，半笏松煙滴露研。茗椀筆牀
閒事業，忘機似勝橘中仙。

病起將移居蕙曲

冀北歸來又一年，輕寒正是養花天。尋芳懶試登山屐，得句
遲於上水船。病減已過春寂寂，愁多空負腹便便。藥牀茶竈
添新製，買得臨江屋數椽。

家藏王文成公手書奏稿陳廣文無軒爲跋尾再用湘

管齋韻敬題于後并示無軒

廣文先生傲官屋，日近宮牆聽絲竹。愧我幾度塵青氈，感君
相思琢白玉。扁舟櫂泛蘭江清，雙屐齒印苔階綠。欣然探珠
入鮫舍，無軒索觀名人書畫不信求魚到乾谷。淮南子上求材臣殘煙木上求魚臣乾谷

雲出自文成手鑑賞獨愜離朱目卽看蒼雪開新編

無軒為收入寓

賞編竊幸會稽增典錄如縈春蚓縮秋蛇絕勝宋寒羞李俗

賦

評書今世多稱李建中宋宣獻此二人書僕所不曉宋寒而李俗殆是浪得名

千言灑灑陳經濟九

軌蕩蕩見空曲

疏為平思田士夷後急于用人作

患無脫穎囊中錐用毛遂事安

有搖牙机上肉

魏志吳質傳注曹真瞋目罵座質按劍曰曹子丹汝非屠机上肉吳質吞爾不搖喉咀爾

不搖牙何敢恃勢驕耶

珊瑚碧樹供收羅不朽之傳謝都穆

高貞女詩

蒼蒼夫椒山瀾瀾芙蓉湖靈鍾女貞木碧葉冬不枯鬱伊高

氏女結褵名家駒芝蘭有本根韶秀同封胡何期少微隕曾

未親刑于守此不字貞寡鵠同鳴呼從死非所難北堂有孀

姑螟蛉一絲續舞絲慈顏娛衛妻樹墓木杞婦殯城隅本是

連理枝甘作孤飛鳥何如寡女絲獨調悲槁梧盟心等匪石

豈緣情所孚閒宜標青史綽楔崇通衢獨行扶人紀甯惟閨閣模

秋懷

寂寂秋將晚辭家又一年酒來愁可埽書與睡為緣多病思仙藥無功愧俸錢不歸非得已空羨二疏賢

由花王廟步入村塢

僦居僧寺如漁舟破窗無紙屋打頭煙荒草蔓少人迹但聞古木風飈飈東望炊煙出林表知有村落藏深幽信步頓忘路遠近乘興不暇邀朋儔竟入疎籬穿曲徑高槐古柏枝相樛翠竹檀欒秋雨歇黃花錯落春星稠老人迎客出蓬戶手扶筇杖披羊裘自言世守種花業頻年水旱皆無憂櫻鞋桐帽日作息芝田蕙畝長耜耨不向紅塵插雙腳時臨流水盟

羣鷗我聞翁語口諾唯貴不如賤緣無求況今昇平日無事
太倉何異雀鼠偷歸來獨坐三歎息欲往從之心悠悠

汪氏兩節母詩

我交汪君

祖輝

逾十載稔知兩母王徐賢開編快讀贈言錄鴻

文勁節相新鮮僵走李杜汗流籍敢以篇什供磨鑄汪君乞
言及下走重違其意忘媿妍圻也承乏廁蘭省歲以節孝聞
諸

天清標彤管植人紀未聞一室同貞堅孤辰寡宿露芒角素
娥青女爭後先君姑垂白兒黃口更有癡叔操戈鋌波濤起
滅風雨驟覆巢之卵誰復憐同心戮力指天日拮据手口垂
卅年存孤義不忘溝壑未亡得偶終安全乃知巡遠勵臣節
此心千載均淒然孤城失守孤兒立論功不啻前無前洛思

內河車車金 卷一三 四 又又川
之峯巖而棄湘湖之水清且漣鍾靈連理傲霜雪交柯接葉
霏寒煙君不見湖水有時竭山石有時穿何如汪氏兩節母
名隨日月長高懸

柳誠懸石硯爲譚蘭楣賦

不論青州與絳州物因人重可千秋揚雄鐵硯今何在空負
當年識字羞

曾將心正論書法筆諫何慚古少師留得陰山一片石至今
鐵面冷無私

前兩日已得甘霖七月朔行正定道中北風大作淫雨
不止

杞人憂未已旣雨復恐澇旱澇天所爲固非人意料目覩茲
鳩鵲中心默自悼連年秋收歉春麥已枯倒黍秫秀未實望

梅渴止稍儻復傷愁霖何以活倪髦

聖君恩浩蕩振截太倉漕天心感至誠和甘應所禱子臣特
過計先憂形於貌奴輩那得知謂是困泥潦

春日漫興

不病何嫌老無營得自閒莫將餘歲月負此好溪山隱几聽
魚躍扶筇看鳥還空憐杜陵叟未老歎摧顏

戚學標

字鶴泉太平人乾隆辛丑進士官河南汲縣知縣

國史儒林傳稟學標天才高邁嘗從齊侍郎

召南遊及館曲阜孔氏師友極一時之盛

諸以謙毛詩證讀序略公官知縣有政聲暇則著述自
娛有四書偶談內外編溪山講授台州外書三台詩錄

風雅遺聞等書

重經西庵

隨風雲渡溪一徑至庵西村路無驚犬僧家亦飯雞山荒秋

意淡樹正日陰齊頗憶先春過花開謝豹嘯

走馬岡

高天凝望秋煙紫瀆山迤邐平如砥憶昔金鞭逞豪武爭駛
驂騮馳驟駢旌旗掩映林日黃星流電掣勢莫當亂蹶迸落
如噴霜俯身捷下千仞岡陡挽青絲更一躍疾於鷺鳥摩穹
蒼有時據鞍示從容顧盼自信人中龍賓從賦詩石鏡塢日
宴高會烹駝峯君不見項羽築臺彭城中公孫躍馬亦稱雄
煙雲倏忽事已變徒令孤影嘶長風甫聞樓船下楊僕立見
土地收寶融驅洋功成竟何有蒼莽溪山重回首海舶如雲
不可恃温台三郡爲誰守玉山原頭吹暮笳子弟猶聞賜五
花卻勝齊雲樓上火宵宵風雨鬼車譁

錢忠懿王銅塔

臨海錢氏五王裔鐵券丹書傳世世更有寶塔什襲藏奇巧
不類人間製塔重三十餘五兩其高約以六寸計若耶溪銅
外塗金輪相端然七重備辟支古佛既層列蕉葉火珠細位
置貯之筥篋夜吐芒定有銀函藏舍利懸鍼小楷雙作行款
識分明認忠懿祇鏤歲月無年號彷彿記是乙卯歲吳越偏
霸近百年雄據東南便形勢租稅坐入十四州三品荆揚亦
易致神奇日夜役鬼作底惜黃金廣布施南漢鐵塔不足稱
何況窳堵紛磚砌一朝劫運換紅羊古苑靈芝委荒寺當時
八萬四千數一一盡歸六丁掣獨留是塔世珍守未隨泗鼎
遭淪棄詎眞暗護阿育王子孫愛惜良亦至眼中突兀忽見
之摩娑不勝意再四寄言巧偷或豪奪慎勿人前徧傳示

陸夢熊

字登若號古漁錢塘

恩貢官西安訓導

或學票

陸夢熊

三

府志夢熊續學博聞敦崇古處中年絕意仕進而致力
于古文著有黃鶴山農集蒼莽雄拔論者以為得昌黎
眉山兩家筆意少好為詩與邱永余
集為詩侶又與胡濤輩結瓣香吟社

乙酉冬杪四明邱東河同里邱雲涇嚴鐵橋張石函袁

伍庸沈朗行余秋堂王杏園周敷典潘秋庫翟古泉

筠溪孫約齋王莘園姚峙東龔吟臞諸公北上各有

詩留別賦此贈行

句章富儒彥邱子實居首吾杭羅羣英燦燦風雅藪同心結
歲寒相與志彌厚飛沈逸異途踟躕餞良友涼飈吹離心北
挂關河柳鬱鬱迴春姿攀折戀分手驅車出重闌揚鑾入北
斗瑤華惠高辭金壺注美酒賤子困迍邐微材謝薪標遙羨
鴻鵠飛彙征良不偶

陳留道中

清風五十里不覺到城壕
縣僻鴉聲大村荒馬骨高
樹陰分岸闊野水齧沙牢
不見中郎墓余心甚鬱陶

蘇

瑄

字敬堂海甯人
著守拙詩草

道出甯武謁周忠武祠

國步艱難慘陣雲至今父老痛將軍欲明大義親先滅公戚某款

賊說降公為表精忠宅可焚夫人劉氏血淚千秋留片石公下

斬於軍中為表精忠宅可焚夫人劉氏血淚千秋留片石公下

教場坐石上痛哭誓師淚痕風雷一夕禦孤墳公墓在甯武府城東面臨

入石作血色迄今天陰則見風雷一夕禦孤墳公墓在甯武府城東面臨

大河地甚低山水衝決漚沒堪憂乾隆五十二年開大水陸

至墓上風雷大作天明墓高丈餘時中丞為具題并奉諭

致魏魏廟貌咸瞻拜四壁豐碑盡勒勳

祭魏魏廟貌咸瞻拜四壁豐碑盡勒勳

崔應榴

字秋谷海鹽增生

縣志應榴少穎悟究心四部之學老而彌篤嘉慶間分

纂郡志工詩古文詞著有吾亦廬稿采入

皇清經解又有詩文集殷水遺聞橫山紀

略歲時藻玉廣孝編廣慈編等書

蘇瑄應榴丁解

歸思

客遊不得意歸臥故山溪流水到門住疏林與屋齊編籬養
雞犬種木仗鋤犁未許平生友無端鳳字題
急雪河冰合歸舟逼歲除十年此分手回首意何如數幅有
名畫幾箱未了書臨行重檢點作意伴幽居

短歌行

鯖五侯卮三雅搗箏鳴瑟高堂下黃金盡白壁哀昔日繁華
安在哉一鋪隨身作浮客劉伶改姓知何益

丁

嶰字谷瑄長興人
著石村詩集

過魏叫夫先生堯市山房

數椽茅屋下大好寄生涯偶蠟阮生屐因過揚子家地偏堪
種竹門靜不迎車領略山園趣閒評紫筍茶

過王立甫先生墓 并序

先生名豫號孔堂山人立甫其字也家貧落魄遇奇禍獲免而詩文益工旋客廣陵名噪甚以布衣終配姚亦能詩癸丑冬伯父崙峯公暨家大人經其地見柎櫬暴露捐資合葬於車渚村之陽伐石表之今夏適過其地感賦

廣陵悲作客車渚為招魂白骨有時盡青山亙古存途窮憂患迫才大布衣尊徐淑欣同穴雙松識墓門

陳維竣

字卓巖諸暨諸生 欽賜翰林院檢討著南邨詩錄

戴東珊曰卓巖詩濃淡因時言情如醉其五言如山翠當樓近湖煙著樹多芳草猶憐客桃花最近人碧樹低窺牖間雲淡入樓七言如夜雨梨花寒食路春風楊柳故園心一簾細雨黃花酒半夜西風落葉聲皆婉約可思

九里山訪王元章先生隱居

煑石風流不復存
數家茅屋尚成邨
連山竹色寒侵面
入畫梅花淡到門
狂客原難拘世法
布衣未肯受新恩
百年寂寞留詩卷
酌酒空招處士魂

陸大潮

字觀濤號信川蘭溪諸生著信川文集

鄧鍾玉曰信川篤學修行至老不倦嘗輯金華文選類編積數十年書始成凡道學忠孝節義政事文章燦然備畢

讀徐初堂重刻孝烈集

壺山崔嵬熟溪冽
坤靈自古鍾奇傑
王生有恨不戴天
霍霍磨刀慘霜雪
六載含冤噤不言
螻兒山下一朝接
白虹貫日天為昏
手刃伏頭縷濡血
不廢國法不辱親
慷慨委身一何決
更憐巾幗有夷齊
槁餓首陽同抗節
赫赫綱常炳汗青
後

賢好事重雕鏤千鎭塵封忽發光焚香把卷心悽切

吳

昇

字瀛日號壺山一號秋漁錢塘人灑子乾隆癸卯

府志昇以大挑知縣分發四川權知崇甯縣事時達州
教匪不靖大府聞其賢而才檄贊畫軍事佐諸帥謀且
守且拒援兵至政賊大敗權縣事性慈而敏蜀人咸
戴之權有白沙渡極險一舟覆輒百人溺乃募黃重建
繩橋橋以鐵索及竿為之凡長百二十丈行旅稱便擢
知資州權知潼川府事時詹對夷酋不法總督常明進
剿屬昇與偕其地不毛糧運易置昇檄綜轉輸機牙肆
應事平敘功擢知府歷署敘州順慶夔州知府乞疾歸
緝雅堂詩話秋漁前後述哀詩二十首宛轉悽惻讀之
不歡集與弟秋農詩甚多令人增友子之懷迨遙聽
雨余夢斷久矣

新兵行

行糧全坐糧半給米論石錢論貫東鄰健兒力如虎西家壯
男能伏弩投名入籍報官府領軍馬上持檄來轅門逢逢朝
打鼓今日下教場明日催束裝整兜有纓甲有裳箭羽白雪

兩浙輶軒續錄

卷十三

吳昇

巽

刀白霜飲徒博徒舊相識送爾黑水之河旁此去殺賊先擒
王

鄉兵行

焚爾穀燬爾屋殺人如麻不敢哭忍淚含飢草閒伏爾勿伏
賊人索爾劍爾目爾勿走賊人追爾別爾足爾有丁男爾禦
侮十人可什五人伍沿山樹柵路置弩守則鳴鉦戰則鼓官
兵十萬動地來犄之角之惟汝才入賊陣取賊將首馳歸報
捷旗門開大府論功上封事駐馬田閒問名字千夫百夫爾
長之昨日村農今武吏長揖縣官投一刺

土兵行

徙都耶笮都耶曲烏鳥之夷奴耶五十五州亦土亦流罰不
應役牛五十頭頭人舍人不識字蠻語啁啾問通事花幫小

隊跳躍來酒市關門婦女避鼓聲三通角三疊今日將軍親
簡閱殺馬椎牛大饗卒蠻刀割噉口帶血挾爾哈靶礪爾及
密蠻語呼箭為哈滅賊歸巢未六月土兵性畏暑

老兵行

公徒三萬來駸駸壯夫力士紛如雲國中七尺野六尺安有
羸老堪從軍老兵老兵爾何苦曷田爾田宅爾土豈無若子
若弟堪荷戈白頭猶復稱官府川俗呼兵為官府老兵聞言笑不止

不失聲哭反狂喜自言弱冠充餘丁得補名糧周一紀轉戰
從征三十年半生眠食槍煙裏迢迢衛藏指西招雪山埋人
鋤不起大鷗側翅來啄眼飛馬奔回二萬里將軍厚我老猶
健能挽強弓能啖飯解衣遍跡無寸瘕矢石不侵真鐵漢前
年平廓番三載征苗疆蹙蹙戰鼓響三峽半夜下令催軍糧

帥旗勿勿渡江水行營直到家門旁家門咫尺歸不得縱使歸來人不識昔年火伴盡高官化作煙雲纔瞬息不如老兵長不死百戰身經等閒耳醉臥沙場亦足豪閒將一劍磨秋水

繩橋 并序

灌口繩橋見范成大吳船錄及坡公詩今失其故處矣之河西者從上游白沙渡然極湍險一舟覆輒百人溺甚憫之乃召父老諮地利而重建焉橋成行旅稱便爰紀以詩

飛繩杙閣牽長虹九行五道懸穹窿千牛輦石轉地軸萬匠磨斧貪天功圍闌左右曳且掣皮版首尾衡而縱其長百有二十丈蜿蜒直徑河西東大風幡幡忽掀舉夭矯作勢騰飛

龍染家瞭帛漁曬網比擬方信前人工閱冬徂夏事迺藏由
近及遠行相從我爲長吏請先導臨淵之懼心忡忡一跬踈
踏愈簸盪甚我疾走毋春容上無一髮可援手下則百尺奔
驚瀧未能乘查竟貫月已似梯霞而御風身如雲浮腳棉輒
達岸迴視人飛空山民緣筇止一索到此騁步康莊同肩擔
首戴踵趾錯見星未已來憧憧此邦扼要枕夷夏北走番地
西羌戎飛江鐵螂苟不設雲棧何處通蠶叢自今陸海廢葦
渡餒腹空吼蒲牢鐘梢公賣船且勿憫要除溺鬼洪濤中

石綠餅明供御物也徑二寸厚四分面文曰龍香御墨
背曰大明隆慶年製皆正書輪旁朱篆重三兩八錢
五字家念湖司馬得之桂未谷學博處

鸚鵡山南白雲子銅精熏作翡翠羽芙蓉搗汁麝屑膠大曰

深凹三萬杵承平天子慕開元龍香新劑翻松九祖母綠裁
圓鏡樣亞姑青印小茶團龍賓十二埋塵下冷翠猶磨銅雀
瓦柿葉書成伴廣文楊枝買後隨司馬相逢爲出豹皮囊古
璧一規寒放光賈胡欲攫眼空碧上品只許收元霜雙螭蟠
面金塗字外肉朱文鏤款識年號分明銖兩真內家製造精
無二梅花祕閣珊瑚匙想見薇香滴研時不是宮方修綠黛
肯教梳匣襯紅赦三百年來離畫筆一朝月魄飛蒼色從今
說餅亦充饑何須却字珍唐墨

酒香蓮

并序

出建昌蠻地本名太白蓮柔蔓如縷葉大如錢每一
花承以一足花橫出其上色深黃微似金雀作酒香
四時不斷以嫩枝入土卽活惟不能耐冷耳

我聞醑醑花香色似醇耐此花既名蓮何又酒同臭邛都土
人來謁予佳卉特向雲中鋤柔枝斜引玉釵股纖蔓細裊青
虬鬚娟娟扶上含風篠葉比荷錢看更小翠跗堆滿繡餘絨
細朵飛擎金色鳥風前露後乍傳香絕似房家瀉碧芳房壽
花釀酒名碧芳酒見叩頭錄薰髓未曾浮蟻綠醉痕先已暈驚黃初春祇
覺東風早碧葉田田花少好低叢接萼夜常嬌嫩綠移枝春
不老偎窗只怕北風尖輒翠偏宜六月炎添潤有時澆宿茗
護寒更與下重簾嫣然風致蠻煙外米汁生香入塵界不是
尋常兒女花濂溪彭澤應同愛

含香梅 并序

木本高二三尺葉如桂暑月作花圓如小桃色純白
瓣堅厚內抱香極甜美

不與梅同瘦炎天雪滿枝瓣堅疑琢玉肌潤若凝脂獨抱心
香潔微含齟笑癡最宜將晚候常似半開時跼淺愁風妥花
深得露遲大珠圓可握小瓊滑難持蒼蘂參禪悅羅浮妒夢
奇虛欄涼月下芳氣少人知

老營巖

總兵袁國瑛何元卿戰歿之地

老營巖石齒齒二總戎同日死本是桓桓宿將材可憐裹革
空山裏吁嗟此戰何雄哉黃金散盡死士來十人選一一當
百誓不殺賊死不回山前大戰三晝夜霹靂礮車劈山破破
山賊走山上山賊頭紛紛半山墮賊營無煙夜無火賊孛聚
哭官軍賀連營鼓角聲震天軍吏垂纛帳前坐五更月黑賊
復來大霧四塞午不開奔狼沸竅瘕狗噬白日星墮聲如雷
總戎雖死賊膽寒閉營三日不下山

王旅嘽嘽將大至覆爾之巢爾無翅

哭東鄉張楓庭明府 并序

楓庭名寧陽余垂髫交也北遊燕趙越二十餘年遇於蜀則已作宰東鄉矣丙辰秋達州教匪作亂縣無城與賊營僅隔一水楓庭百計捍禦日不甘食夜不解衣者三閱月冬晴水落賊涉淺登岸遂手刃數賊而死時除夕前一日也明年賊退迹其屍不得忽羣鳥聚噪不已則壞垣下稍露手足蓋路人哀而覆之者掘視之面如生死事之臣其爲神佑也宜哉

憶昔從君呼小友我博微名君不售我年未冠且雌伏君挾奇才遂北走果然青眼遇孫陽盡散黃金酬漂母作掾名邦興頗豪論功絕塞人無耦人生會合自有期我亦驅車過隴

右萬里同歌蜀道難卅年重飲論文酒君方縮綬宰卜蒲卜
蒲縣小纔如斗三版城基已就傾盈盈帶水難爲守無端伏
莽起東川歲在丙辰月在酉賊重如山復據山俯窺易可探
囊取周遭白芴布河壩出沒黃巾遍林阜夾水相持秋復冬
可憐顏鬢都衰朽赫赫袁何兩總戎援師聞道攻其後麀兵
三日士不疲礮石如雷萬山吼誰信魚門薑毒深大星同日
歸烏有從此天欃孽燄張危城已入長鯨口十日不雨吹乾
風河干偵邏嚴宵振賊如行蟻蹋水來自旂搖搖各在手力
窮矢盡賊不退六百勁兵齊授首舉刀殺賊一賊死萬賊萬
矛來貫肘整纓就義爲賊言殺我毋傷我童叟嗚呼男兒死
耳分內事可惜堅持三月久

西域雜詠

穆公山畔路縱橫好紀西陞第一程迴首斷雲殘雪外蒼蒼

片月掛邊城

煖氣浮浮涌翠微四山如甌沸珠璣消除戰瘴尋常事能否

分温上鐵衣塘熱水

濯濯荒坡深復深疲驢旋折度煙岑晚來空棧無賢蕘草屑

茅根雪底尋蠻地不毛艱於芻秣

海子山根有廢墟酪漿瘦椀饋穹廬明晨蓐食須湔發今日

峯腰見雪驢山根子地名大雪則山上有雪驢出

霹靂弦開礮石鳴山魘出穴老龍驚風雲變色通呼吸莫遣

籟官喝道行海子山積雪不消土馬銜枚而過否則風雪驟至或至傷人

雪花如席復如拳沒馬埋人事偶然聞道前山寒更重半空

飛舞擲冰馱大蓋雪山雨冰如馱蓋霜類也

金鶯玉燕景全非 喞喞啞啞聽亦稀 點綴窮荒成畫本 一羣

黃鳴隔林飛 海子山有黃鴨 見則風雪旋至

萬山寂寂動霜聲 歇馬來尋廢堠 栖蠻若稀疏 天葬少餓鵑

人立向風唳 蠻家天葬以遺骸飼 禽鳥鵑有大如人者

劍冷衣單日暮時 沙黃月黑北風嘶 迢迢卅里松林路 何處

羌兒奪馬騎 松林口 多夾壩

汎汎皮船水面颯 葦杭杯渡共叩須 南山射獵多犀兕 不信

千金買一壺 蠻中無舟楫 以皮船拽渡

破屋傾敝架澗阿 牆根斜倚候人戈 老兵祇約韓婆醉 蠻犬

猙獰煖一窩 戍地皆 絕荒涼

語冰知雪論非誣 五月披裘舊釣徒 短句閒賡添夏課 不須

重展北風圖

蜀船雜咏

萬里吳船那得來蜀江花艖出新裁屏牕大有江南意祇欠

平波鏡面開范石湖吳船錄取少陵門泊東吳萬里船句意吳船無至蜀者蜀船亦至楚江而止其名類不一

一惟花艖子與吳船相似

雇值多於買屋錢撐家船勝出山船安居畢竟輸茅舍四面

波濤一面天花艖價倍他船几榻軒牕與陸居無異然惟撐家船堅緻可上下往還若出山船則至楚即賣

船而回不堪再用

謀生水面入危途板主全憑眾力扶飽食直如多稼者不勤

四體但收租呼船主為板主司議值輸稅及日用細事行住進退則太公主之板主不過問與吳船絕異

長木如竿掌握中輕撓大柁謝無功江湖老去知津少隆號

居然僭太公持招竿立船首者羣呼太公即社詩三老之義其他舟子統呼為弟兄而已

駢立船頭挽復推一呼百和勢喧豖數聲欵乃遙聞處知有

前船出峽來川船用橈不用櫓大舟率用二十餘人以聲助

資犒賜倍於眾

露宿風餐絕可憐得錢盈百路盈千今朝計是雙寬日不住

橈聲破曉煙橈夫皆烏合貧民備值甚賤下水船并有無價者附載求食而已客有犒勞謂之打寬灘險且

多則倍給之名曰雙寬

全身偃僂兩肩頰百尺長菱蟻聚行五斗未酬腰已折上流

何苦為人爭上水船夫兼司橈絳故勞倍而值重

橫截狂瀾擊亂流勢如拋擲急難收羨他飽飯船頭坐一葦

颺颺任去留上絳泊舟或在彼岸須截流而渡謂之拋河下水遇平流舟人卧櫂休息任其順流蕩漾謂之

放流

眼明手捷是灘師日坐灘頭索重資熟盡浪花堆裏路衝波

不數弄潮兒險灘有工於放灘者稱為灘師

百丈繩繩負不前三條修纆縑山巔平空提出閻羅界蛟蜃
垂涎亦枉然兩山夾峙中有險灘縑縑推青天難上灘夫用巨纆束舟之首尾復從高處挈而上之謂之

曾聞飛雪能埋馬今見流沙可沒舟坦道危機相倚伏莫因

水懦玩平流諸灘挾沙石東走楚江水平沙積隨風堆壅誤入則陷不能出故沙市百里內謂之跑沙

飄飄水面似瓜皮只與舟人上下宜雖小不聞遭覆溺須知

宦海亦如斯巨舟不能涉淺須小船方可登岸名曰剛划子

周南字治徵號二南天度子錢塘人乾隆癸卯舉人官河南淇縣知縣

府志嘉慶癸酉滑匪滋事南在河北多設奇兵先聲奪之賊不敢犯成笳音海漚二集風烈可見繼作學製集

歸田集雅有王儲風味卒後其子樹附刊其詩于十誦齋集後名小十誦齋集

符鴻題詞天生二南古懷落落志卑脂俗道高響諤風裁之峻心精之灼詩史之歸豈私之度

胡達題詞二南詩如春光著豔秋林響籟

道口捷

妖星落地天無光
狂賊殺人如殺羊
百姓逃亡駭汗走
稚女呼耶兒覓孃
試問賊在何處賊
踞道口中央道口
本大鎮水陸車連
檣金錢麻桌鹽鐵
種種悉烏有惟餘
陳紅倉粟輸賊糧
羶屯蟻聚四十日
鴟鳴獍突紛披猖
行人避道行十里
之內成巖疆大兵
威重不遠擊賊尙
負岫堅半壁我探
四出蹲伏信己的
月辰在亥日在辛
指揮六纛星施檄
攻其無備出不意
雷轟電掣西南北
柵門旣奪勇倍激
如蝗蔽空飛亂鎬
排牆眞用鞞尖踢
刀光斜穿火光直
焱天揚灰沙震地
開霹靂賊肉塗塗
賊血漉漉髑髏如
瓜嚼草根殘魂猶
是音呶咽餘孽東
奔竄滑城黃旗尙
豎災黎集百千萬
聲一時寂

聞大兵攻復滑縣平賊恭紀四十韻

皇極縣昌運黃圖寶厯傳重熙廣再且累洽慶承乾河海常
清晏陰陽少伏愆版章歸覆載土宇樂殷闐剝復張應弛平
陂往必還蚩尤犯軒紀丹水汨堯璿虞典苗終格周書莒有
悛妖纏熒惑次萌孽太平年邁侮烽先滑竒衰狡聚蓮姦胥
弄刀筆游惰冒空拳技本么麼耳謀誠鬼蜮然狂思慕陵月
妄想蝘摩天肱篋空林麓椎埋出市塵紛如爭制挺蠹爾學
疆弦句結聯曹定招謠竟薊燕其愚原可笑聲罪已難鐫
赫怒彰天討哀矜赦戶編軍行秋令肅師總上公賢節度威
專闔諸侯力比肩迅霆宣號渙神策祕韜鈴陣列蛇蟠結鎗
排豹尾懸旌旄翳日月竈突冒雲煙弓飾黃金靶鞍橫碧玉
韉赳桓真莫敵健銳信彌堅螻垤圉貔虎鷄枝攫隼鷗亦知

獅搏兔共識鶚毆鳶一鼓緣城上三重設伏前憑臨山岳動
噴礮洑潮穿鏡鐸牙官奮螯弧大帥塞土崩翻霹靂電閃落
戈鋌獸尙幢心走魚忘釜底煎斬梟駢若若獲醜訊連連喜
見誅王則歡呼縛李全析骸堆積阜餘血漬成川肝腦今塗
矣頭顱早舍旃從茲除毒螫好是滌腥羶認野哀鴻集思羣
駭鹿旋壺漿擊雜沓桑柘望新鮮擬製由庚頌長歌撻武篇
何來盈尺雪洗甲更畚田

許乃來

字遜懷號菊船仁和人乾隆癸卯舉人官江蘇太倉知州祀名宦

府志乃來始治盜最嚴密不事株累嘗曰誅盜所以安
民多殺何為先是沙尾村乃檄鎮帥舟師夷之且令乃來偕往
處而別有沙尾村乃檄鎮帥舟師夷之且令乃來偕往
乃來偵得其實而事以白
尋調廣西臨桂傾城送之

雨雪書懷

山向湖東萬笏開翠峯寺接雨花臺參禪欲作逃禪客濟世誰爲不世材偉壯風聲催雪去迷離樹色趁雲回莫將冷淡媿生活聊假蠻牋自遣懷

許澄之

字心源海甯人乾隆癸卯舉人

海昌備志澄之蚤歲失母刻志自勵稍長父出游綜理家政課生徒昕夕勤學時父玉渠官澈浦知縣辰州守知澄之名延主虎谿書院者三年澄之性坦夷好錄古今孝義事以教士沅湘之人從游者眾吳衡照曰心源先生簾鉤詩云最憶風飄深院裏丁東聲引隔花危

過定州

極目千脰碧浪浮征程曉色動離愁綠楊影裏孤城路明月

清風過定州

查

字烈庭海甯人乾隆癸卯舉人

海昌備志潞以大挑二等選授玉環訓導辭不赴教學勵行鄉黨所重族有公舉州遇歉歲勸振均倚以集事

河行首干賈

卷十三

許乃來 許澄之 查潞

周貞女詩

緼瑟安朱絃絃解瑟柱裂青鸞隱寶鏡鏡破鸞翼折貞女之
 貞永不移冰霜凜栗徵幼儀宛宛女羅絲初縈松柏枝引蔓
 故未長疾風忍摧之寒星慘綠鳴荒雞孤鐙照壁宵悽悽鸞
 魂來訣掩面嘯嘯號訴阿母願為同穴死白日隨風墮海底
 萬古光明常不滓母言兒心誠不負死作九泉耦何如生事
 姑與舅開我黃竹箱著我白練裳不繡貼地雙鴛鴦血淚點
 點珊瑚光昔期同車行今如獨雁翔含辛視井曰拭淚調羹
 湯嗚呼心古井兮無波瀾緘孤芳兮操幽蘭

金汝潮

原名邦士字彥兮號西樓秀水人乾隆癸卯舉人官山西澤州同知著西樓詩鈔

石瀨山房詩話西樓性廉潔令太谷時革陋規拒請託
 民有爭嗣數年不決者立斷某為嗣其人以三千金餽
 西樓曰前官所以依違者賄也我甯蹈故轍乎其人曰
 未訊時有此是為鬻獄今讞已定矣感恩圖報受此何

傷西樓卒不受王三槐之變軍興旁午西樓籌畫無策
謂民曰汝等能急公平否則我甯挂冠去耳民叩頭曰
甯毀家不願失清官於是供億無缺廉吏之聲播三晉
閒又嘗出使旁邑題詩野廟中有軫恤民艱語中丞初
公見之曰此好官也道塗閒猶
不念民隱若此囑司道善視之

舟中望乍川諸山

鼓棹鸚湖曲推篷望遠山煙寒叢樹沒日落亂禽還拱峙吞
全海迴環限百蠻何時攜斗酒坐看白雲閒

陳石麟 字寶摩海鹽人乾隆癸卯舉人

陳廷慶序畧信天巢者宋荆稠處士九萬翁自顏所居
也君系出處士肆志聲詩多成就弟子而律已甚嚴有
菊磻之風

續古

梧宮秋吳王愁 吳童 烏喙入麋鹿游朝吳宮暮越殿鷓鴣飛

錦衣散吳姬越女秋復秋梧桐夜雨誰家院

牆有耳伏寇在側管子小心翼翼恐復抵其隙幾事不密則害成慎爾出話亂不生

心誠憐白髮元情不怡豔色嬈魯連子一嘖一笑隨人變亦知

難恃春風面君不見長信宮昭陽殿

蠹啄仆柱梁蟲芒走牛羊劉向新序禍機不在大忽則受其殃馭

馬慄朽索堅冰戒履霜君子矜細行其漸有必防不見几上

肉化為豺與狼

躓馬破車惡婦破家古語破車又改造破家不可道掩耳勿聽

牝雞鳴哲婦從來能傾城

三月昏參星夕杏花盛桑葉白四時月令引農語采桑兮采桑采桑

女兒心暗傷花開花落春易去蠶花命好為蠶孃但願作繭

如獲大不怨纒絲十指破君不見蠶桑苦女工難得新捐故

後必寒

大戴禮
衣銘

蜻蛉鳴衣裘成蟋蟀鳴嬾婦驚

月令註
引里語

嬾婦不驚衣裘不成

新禾收得謀卒歲縣吏打門責官稅

一尺布尙可縫一斗粟尙可舂兄弟二人不相容

淮南
民歌

吁嗟

兄弟如手足卻把戈矛殘骨肉釜中豆泣可憐生君歌隔谷

我淚傾凡木安得盡化為田荆凡鳥安得盡化為鶴鴿

喜王笠舫

衍梅

旋里

野鶴翩然孰與羣南飛還入故山雲公卿長揖驚難見仙鬼

奇才快共聞浮海有人猶作客

謂耐
亭

埽花舊侶正思君秋來

索句添高興試棹航船醉百分

周文楷

字貢木號書船會稽人乾
隆癸卯舉人官常山教諭

胡思聰曰書船孝友績學老成典型精青鳥家言常山
歸後每攜筇出遊著作燬於火鑑湖文類與幽光集梓

遺文
數首

鑑湖晚棹

鑑湖湖水自滌洞拍拍鷗羣鼓棹迴遠岸斜陽人影亂深林
秋葉雨聲來煙迷僧寺鐘初動飯熟漁莊艇未開賀陸風流
遙極目胸中何處著塵埃

吳啟蚪

字駕青號瑤圃候人乾隆
癸卯舉人官鎮海教諭

鵲巢行

靈鵲欲成巢樓託思安固翺翺林木閒審端一何苦高枝畏
疾風下恐為人侮所向避太歲結構禦霜露霜露日漸零吾
巢猝難具西銜若木枝東啄扶桑樹羽尾譙以脩綢繆急所
務欲以養毛衣欲以長乳哺口瘡手拮据不成良可懼羞為
鸞鶴嗤亦恐燕雀妒以茲輾轉心喑喑如相訴相訴復奈何

良辰迫歲暮

范崇楷

字式之號退樵西安人乾隆癸卯舉人官福建甯德知縣著鋤藥集四卷

西安懷舊錄崇楷別號鋤藥山人歷任長樂漳平安溪甯德知縣俱有政績晚年解組督課子弟殷殷不倦
余本敦序畧退樵才氣雋爽生平倡酬興到筆隨取適性情而止宦遊後風格一變要皆自在流出不假樵刻
孫德祖曰式之嘗游蘭亭集禊帖得二律有云
亭外竹陰當日永林閒蘭氣得風幽頗自然

出宰閩中次水口驛

辭家遊海嶠僕僕胷簪纓兩岸牽離思孤舟黯旅情日斜雲不翳風定水無聲從此危灘盡征帆夜亦行

孫嘉樹

字叔子號夢餘嘉棟弟錢塘人著夢餘詩鈔

寄萼樓

泛泛真成不繫舟飄零又作海濱游少年能幾日俱老芳草無多時已秋對我有情憐越鳥背人無語攬吳鉤一生奔走

空皮骨意氣還同百尺樓

朱

輪 字舒庵海甯人著北游草

杭郡詩三輯舒庵幼學窮經撰述甚富所居失火僅存詩經纂要及北游草兩種斷壁零珪彌可珍惜

偕孫淵如游歸田園分體得七古 園為前明心一先生故宅

餓鴟鼓吻鼙鼙舞漠漠寒雲封礮戶不見當年休沐人歸田
名尚留殘圃訪勝不辭蠟屐穿迴廊曲榭好延緣苔衣繡澀
調琴石冰簟晴鋪洗硯泉藥闌盡處來孤鶴導客前行渡澗
壑古木根蟠宛轉橋隔林風送郎當鐸別有層巒積翠重仙
人掌上玉芙蓉莫遣煙鬢宿霧徑須斗酒洗塵蹤太息主
人今已逝升沈卻憶前朝事公初釋褐賦皇華旋轉西臺冠
獬豸此日皇陵土未乾論功先賜寺人官趙嬈曹節新承寵
白馬清流早兆端慷慨埋輪憤深切封章兩上檻堪折一為

東征將士憂再將北寺沈冤雪孤忠無術悟君王嚴譴猶蒙
放故鄉兩鬢星霜悲去國五湖煙月待歸航歸去年華付鷓
蟀詔書一騎紅塵疾重起先朝老逐臣職司秋典持丹筆陵
谷那知忽變遷幾回清淚滴銅仙湖畔空號弓劍影山中自
署義熙年賓鴻社燕還朝暮人去園空已非故只餘一片報
君心長伴鵑魂嘯不住我來憑弔夕陽遲世事茫茫歎轉移
簫管久虛歌舞地敦槃莫問讌游時

林汝霖

字巖升號潤齋慈谿人

家傳畧公子同知公事公備物供膳養公節蓄儲餘資
重營家廟先世及伯叔無祭田疊占田以供祀事外祖
王解元無嗣亦占田授爲
之後者其行誼類如此

長兒奎祥自京郵寄家慶圖諸名公多有題詠作此勉

之

平安傳遠信一笑展雲箋所幸吾身健還期爾輩賢畫圖寫
怡色珠玉富詩篇莫負諸公意勤修慰暮年

商大華

字聯三岷人
著歇齋詩鈔

中秋夜

星河夜耿耿玉宇淨無煙天下秋皆半人生月幾圓一樽千
里外萬感十年前不散羈人恨清光空自妍

恆陰道中

勝地新栽柳積基舊廢關一溪通邃谷孤棧繞重山樹色連
雲古苔痕點石斑嶠嶢瞻嶽峙登陟幾人閒

俞元之

字倚庵義烏人著
雲谷樵夫詩鈔

胡鳳丹曰倚庵不知何
時人蓋乾嘉中貧士也

樵夫吟

五十年來一酒徒山林浪迹號樵夫鳶魚適我天機趣牛馬
饒他世俗呼閉戶著書完晚節哦詩規友擬狂奴秋深時切
哀鴻感抱璞何勞待價沽

張

濬

字宏川雲和拔貢官河南湯陰知縣著吹劔編鴻爪吟

府志濬博綜經史尤敏於詞賦千言立就學使錢殿撰以國士日之由拔貢授山東曹縣知縣管河務有勞績擢嘉祥縣時有猾吏某佔良家產守令以某故憲吏不敢決濬往鞠得情置之法上下服其能

登靈深山

仄徑引平皋斜坡度幾遭登山甯覺遠到寺始知勞瘦石紋
成篆寒松響沸濤沙彌開丈室小酌醉香醪

浣雲庵

一嶺界西東籜輿曲折通萬山攢碧嶂孤寺隱危峯咽石泉
聲細窺檐雀語工六時清淨供林果獻筠籠

寥泚靈溪靜山蜂報午衙天清聞遠嘖性定證空花池接曹
溪水峯披鷺嶺霞蒲團消永日閒坐羨僧伽